

甘肅全省新通志

卷陸拾伍

甘肅新通志卷之六十五

秦州直隸州

宋劉愿 傳見藝文

明門克新禮店所人洪武二十六年以本州教諭秩滿入朝召問經史及政治得失克新直言無隱授左贊善時紹興王俊華以善文辭亦授是職上諭吏部曰左克新右俊華重直言也克新既以亮直見重後又上萬里長江圖紀不數年擢禮部尚書尋引疾命太醫給藥物不輟其俸及卒命有司護喪歸葬上親製文祭之

周蕙 傳見藝文

張銳字抑之秦州人成化十一年進士在刑曹以平恕稱知吉安府政教並舉以剛直忤權貴調漢陽益厲嚴操參政山東歸講學不倦閭里薰德隴西學者稱之詳藝文本傳

甘肅新通志

卷六十五

人物志 鄉賢下

一

夏景和字時雍秦州衛籍成化二十年進士授行人擢監察御史剛直敢言孝宗呼爲黑秀才內廷舉動有失輒愀然曰黑秀才知之又當上疏矣後升山西按察司副使爲劉瑾所嫉逮繫詔獄事白遷右副都御史巡撫宣府

黃世經字時濟秦州人成化進士授修武縣縣當衝路政事勤敏聽訟明決輸賦均平修武大治擢監察御史遷雲南副使提刑惟慎肅政惟明滇民感之

堅晟字伯明秦州人由國子生歷知博平縣東郡盜起東昌屬邑半不守漸逼博平人心思遁晟嚴戒固守乃閉妻子於宅圍之以棘云吾簪到爾輩卽自裁人心感動盜攻五日去百姓爲建生祠遷知薊州改通州二州民互爭者久之通衝而劇晟敏而直中貴迫董同知墮河晟以狀聞置中貴於法心銜之明年以郡守罪

中貴挾私波及晟謫雲南同知尋遷安州改甯州所至聲稱藉甚  
郭 文成化庚子舉人 傳闕

胡來縉字仲章秦州人由舉人爲縣令用才調大興將之官或謂  
縣居輦下權貴且撓政來縉曰京縣之難爲以惜官徇情故耳吾  
惟循理守法他何知焉任三年清嚴敏肅無毫髮私權貴人反譽  
薦之遷戶部郎中釐剔宿弊吏不能欺擢任山西按察司副使卒  
李 崧字五山秦州人嘉靖壬戌進士歷湖廣按察司副使轉南  
京織紡司中貴監視者需索無紀崧一切絕之爲所中以罪召問  
崧痛陳因狀上爲量減貢額而遷崧兵科給事中未幾請疾家居  
胡 忻字慕之來縉子萬曆己丑進士知山西臨汾縣庭無滯訟  
獄無縲囚日惟申明鄉約官民相習若父子晉工科給事三殿大  
工闈商扶同冒破幾百萬忻上疏發其奸弊請身任其事以二十

甘肅新通志

卷六十五

人物志 鄉賢下

二

萬起工遂減十之五其他論陵寢論河工轉禮垣請郊祀請曰講  
參稅監祈撤回梁永論虛礦開採豁免賠累秦人並受其福由太  
常卿引疾歸

國朝張慶麟字雲卿其先自三原遷秦州道光庚申成進士以知縣分  
發直隸請假旋里倡捐重建 文廟值隴上兵起州牧留襄防務  
時州城圯損慶麟傾家財輸工費眾感其義又協力集貲應時工  
竣當道謀保薦堅辭不受同治四年赴直隸需次委司承德府讞  
局事聽決明敏定州有大獄累年未決上臺命慶麟往鞫一訊而  
結廉能之聲遂聞於畿輔委署廣平未赴以疾卒同官皆悼惜之  
任其昌字士言秦州伏羲城人嚴氣正性人不敢干以私幼時家  
貧忍飢勤學弱冠補博士弟子員咸豐戊午舉於鄉春闈再躋徒  
步歸旋丁父憂筆耕養母同治軍興籌措地方事多所匡益乙丑

登進士第觀政農曹充山東司主簿因公 賞遞加三級以母老告歸主講天水書院振興文社士之應科舉者咸得資助居母喪盡哀盡禮移主隴南講席值歲大稔佐州牧籌捐濟飢民必公必慎嗣是凡有公事當事必延會商成全者大主講二十餘年門下登甲科膺鄉舉者約近百人學使胡景桂暨總督楊昌濬以事親至孝教士有方會銜入奏 特賞員外郎銜庚子聞都城擾亂即私憂竊歎及 鑾輿西幸憂憤成疾恐不起力疾自作墓誌並留別友人自輓詩三首遂卒後數年經陝甘總督奏請有 旨入國史文苑傳著書見藝文目錄子三承允甲午進士內閣中書

賢鄉

以上秦州

漢郭 整略陽人博洽多聞抱道自重安帝順帝之世公府八辟公車五徵皆不就

### 甘肅新通志

#### 卷六十五

人物志 鄉賢下

三

晉郭 荷字承休整六世孫也世以經學教授荷明究羣籍特善史書不應州郡之命張祚遣使者以安車束帛徵爲博士祭酒使者迫致之及至署太子友荷上疏乞還祚許之以安車蒲輪送歸年八十四卒諡曰元德先生

唐權 皋字士繇略陽人擢進士第爲臨清尉安祿山表爲薊尉署幕府皋度祿山必叛欲行慮禍及母天寶十四載獻俘京師還過福昌尉仲暮妻皋妹也密約以疾召之皋陽暗直視而瞑暮盡哀含斂皋逸去人無知者皋母謂實死慟哭祿山不之虞歸其母皋潛奉其母南奔祿山反天下聞其名爭取以爲屬明皇在蜀聞之拜監察御史浙西節度使顏真卿表爲行軍司馬召拜起居舍人固辭卒贈秘書少監元和中諡曰貞子德輿

權德輿字載之少以文章稱德宗聞其才召爲左補闕尋遷起居

舍人兼知制誥凡撰詞命九年以類集爲五十卷知禮部貢舉拜侍郎後自太常卿拜禮部尚書同中書門下平章事德輿善辨論開陳古今本末以覺悟人主爲輔相寬和不爲察察入厯太常卿徙刑部尚書復檢校吏部尚書出爲山南西道節度使乞還卒贈左僕射諡曰文德輿積思經術無不貫綜自始學至老未嘗一日去書不觀雖動止無外飾其蘊藉風流自然可慕

明胡纘宗字可泉秦安人正德三年進士翰林院檢討出知蘇州府釐革積弊興講學書院表義烈厯浙江參政陞副都御史巡撫山東魯王愎諫恣惡奏請詔奪其職裁護衛總理河道經畫有方改撫河南疏請賑饑歸築別墅日閉閣著書所著見藝文目錄

侯一元字應乾秦安人進士授工部主事監開濟甯故事監開官稽察過舟皆取船貨通饋贖以爲常一元悉罷之獨鱗次官民之

## 甘肅新通志

### 卷六十五

人物志 鄉賢下

#### 四

船啟閉以時雖貴勢無得踰越中官素橫恣至是皆斂戢濟人德之爲勒碑樹之河岸改禮兵二部進吏部驗封司郎中奏革貴戚世爵曰非軍功不侯高皇制也卒於官尚書霍韜銘其墓

國朝蔡啟允字紹元秦安人廷揀子也兒時知禮讓食必待親長爲諸生方肆力經術俄遭甲申之變自經不死又迫親命於是杜門謝客與昆弟輩以聖學相勸勉時關中李中孚倡明絕學與啟允往復講論千萬言中孚以爲畏友後夢登西山夷齊廟有指示埋身語乃大以向者未死國變爲恨遂邁疾沒著麻衣抱親頸不能開遺命暴尸於野三日然後葬西山以踐夢約嘗手定冠婚喪祭諸禮縣人至今遵焉弟啟賢字琴齋以貢生官盤屋訓導調富平以李二曲爲師友移疾歸卒於家

胡肅馮字邕京秦安人明兵部主事多見孫也初隨其父官華陰

而母卒於家日夜徒跣奔喪居倚廬三載不見人比見人形容骨立髮盡脫敬愛二兄終身無間言工於詩文書法超脫而訓人必以禮法其卒也邑爲罷市學使爲上請得祀鄉賢祠兄景馮字翼京性耿介寡戲笑老益端謹五世同堂八十猶未杖少年不正衣冠不敢過其前順治中入太學 賜八品冠服卒年九十有七胡鉞字鼎臣秦安人少負異才於書無不通入縣庠雍正十二年拔貢會考列第一 廷試報罷益刻苦力學專治詩古文辭旁及六朝駢體時陳宏謀黃廷桂先後爲督撫皆愛重鉞然終不得一第晚官高臺教諭數年告歸卒年六十有三詩古文詞多至四千數百首選刻四卷行世嘉慶初元 詔求天下逸遺碩彥及著作可入中秘者縣人搜集遺文上之 國史館祈爲立傳並請入祠

鄉賢皆奉文核准

以上秦安縣鄉賢

### 甘肅新通志

#### 卷六十五

人物志 鄉賢下

五

漢趙破奴史記衛青傳將軍趙破奴故九原人嘗亡入匈奴已而歸

漢

段會宗字子松上邽人竟甯中以杜陵令舉爲西域都護騎都尉西域敬其威信三歲更盡還拜爲沛郡太守徙雁門太守坐法免西域諸國上書願得會宗陽朔中復爲都護會宗爲人好大節矜功名與谷永相友善谷永憫其老復遠出嘗與書戒之會宗旣出諸國遣子弟郊迎後立功多天子賜爵關內侯黃金百斤卒病死烏孫中年七十五諸國爲發喪立祠焉

東漢段 頰 傳見武威羣材

魏閻 溫 傳見秦州忠節

唐姜寶誼上邽人少游太學受書業不進去爲左翊衛以積勞遷鷹揚郎將領府兵從唐公督盜太原及起兵授左統軍下西河霍邑

以多功封永安縣公。歷右武衛大將軍。擊劉武周將黃子英於雀鼠谷。遇伏被執。亡歸。與裴寂拒宋金剛戰汾州。兵合。寂棄軍走。竇誼爲所擒。帝聞爲泣。下曰：彼烈士，必不下賊死矣。賜其家物千段，米三百斛。果謀還被害，且死。西向大呼曰：臣無狀，負陛下。賊平，詔迎其柩，贈左衛大將軍、幽州總管。諡曰剛。

姜 暮，秦州上邽人。隋大業末，爲晉陽長高祖引爲司功參軍。從平霍邑，拔絳郡，進平京城，除相國曹參軍，封長道縣公。辭舉寇秦隴，以暮西州豪望，詔安撫隴外，委以便宜。將行，請唐公早正大位。高祖嘉納。及薛仁果平，擢秦州刺史。暮至州，撫以恩信，盜賊衰止。人喜曰：不意復見太平官府。尋改隴州，卒。贈岷州都督。諡曰安姜。確字行本，以字顯。暮之子，性明敏，雖祁寒烈暑，無懈容。貞觀中，爲將作少匠，護作九成宮、洛陽宮。遷宣威將軍。太宗選趨才衣

五色袍乘六閑馬，直屯營宿衛，號曰飛騎。每出幸，即以從。遂拜確左屯衛將軍，分典之高昌之役。爲行軍副總管，與侯君集進平高昌，戰有功，還爲金城郡公。從帝征高麗，中流矢卒。贈郿國公。諡曰襄。

姜 皎，寶誼子也。長安中，爲尚衣奉御。元宗在藩邸，皎察其有非常度，委心焉。及即位，授殿中少監，召入臥內，陪燕私，常呼爲姜七，而不名。竇懷貞等潛謀逆亂，帝將討之，皎協贊謀議，以功進殿中監。封楚國公。議者譏皎任遇太過，帝以其藩邸舊恩，降敕稱美。遷太常卿，監修國史。開元五年，下詔放歸田里，使自娛樂。復起爲祕書監。十年，坐漏洩禁中語爲嗣濮王嶠所奏，中書令張嘉貞因構成其罪，流欽州。行至汝州而卒。時論頗以爲冤。天寶中，追贈吏部尚書。子慶初，尚新平公主襲封楚國公。官至太常卿。公主生萼，終

祕書郎

姜 晦 皎弟也起家蒲州參軍爲高陵令治有聲遷長安令人畏愛之開元初擢御史中丞先是永徽顯慶時御史不拜宰相銜命使四方者廷中揖見後稍屈下至晦獨拘舊體謂御史曰不如故事且奏譴公等由是臺綱復振轉太常少卿除吏部侍郎主選曹吏嘗請託爲姦前領選者周棘扈藩檢室內外猶不禁至晦悉除之示無防限然處事精明私相屬委罪輒得皆以爲神皎之放歸也晦亦改宗正卿以去其權皎得罪坐左遷秦州司馬俄遷海州刺史卒

宋吳 玠 傳見靜甯州鄉賢

吳 璘 傳見靜甯州鄉賢

曲 端 傳見固原州鄉賢

甘肅新通志

卷六十五

人物志 鄉賢下

七

明王門弼字爾亮清水人少穎異稱神童以萬曆甲戌進士授戶部主事日集同志講學都門貴遊聽其講說者莫不悚然動容

國朝韓遇春字曦先爲諸生時貧甚然嗜古力學聞有異書嘗一二百里借鈔至繭足眵目罔顧治古文辭由唐李上窺兩漢尤深於制藝胎息經史鎔範名家每一篇出人爭傳誦之康熙甲子成進士授庶吉士後改山東淄川縣知縣政聲方煜起遽請告歸歸裝惟鶴籠書箠識者服其清焉著有文彙行世

祁嗣唐 傳見隴西鄉賢

以上清水縣鄉賢

後漢姜 維字伯約 傳見伏羌鄉賢

五代王仁裕字德輦其先太原人後徙家秦隴故里在縣西碑樓川所夢西江浣腸即以西江名集即縣之西漢水碑記云歸葬於秦長道縣附於先塋成夙志也碑樓川因王公碑記而名事蹟詳焉

元趙按竺邇雍古氏其先居雲中塞上幼鞠於外祖朮要甲家譎言爲趙因姓趙氏甲戌從太祖西征耀兵西陲抵定關隴累立戰功充先鋒假道於宋以精兵破金兵數十萬金主奔蔡十二月圍蔡破之金遂亡復自蔡州西取金蘭定會四州定之拜行征大元帥丙申伐蜀進克成都師還蜀復叛言於宗王分蒙古千戶五人隸麾下命將南戍沔州之石門西戍階州之兩水謹斥堠嚴巡邏西南諸州不敢犯中統四年卒於鎮年六十九延祐元年賜推忠佐運功臣太傅儀開府儀同三司上柱國追封秦國公諡武宣子十人徹理國寶國安相繼襲元帥

趙國寶少擊劍學書有謀略父爲元帥軍務悉以委之答兒叛將火都據吐蕃之點西嶺國寶攝帥事討之相拒曰久設計誘敵擒之捷聞賜弓矢金綺初秦國公告老因徹理從父征有功至是命

甘肅新通志

卷六十五

人物志 鄉賢下

八

襲元帥職理以疾不視事國寶遂襲因西戎未附乃遣人持金幣說降吐蕃酋長皆歸款從入覲奏曰文州山川險阨控庸蜀拒吐蕃宜城文州鎮之遂授國寶爲蒙古漢軍元帥兼文州吐蕃萬戶府又說降扶州諸羌繪山川形勢以獻卒贈推誠佐理宣力功臣太尉銀青榮祿大夫平章政事上柱國追封梁國公諡忠憲

趙世延字子敦國寶子也天資秀發喜讀書究心儒者體用之學官監察御史劾丞相桑哥不法事出僉湖北道肅政廉訪使敦儒學立義倉撤淫祠修壞隄嚴掠賣良民之禁除安西路總管不三月剖決積牘三千發廩賑饑所活者眾改四川肅政廉訪使修都江堰民便之延祐元年拜中書參知政事遷御史中丞劾右丞相帖木迭兒罪十有三詔奪其職進昭文館學士乞補外拜四川行省平章政事泰定四年加翰林學士承旨文宗即位拜中書平章

政事與虞集修經世大典屢奏衰老乞解政務養疾於金陵之茅山卒贈上柱國魯國公諡文忠

石吉連不知其世籍自吉連始爲禮店文州漢番軍民元帥子孫世襲其職遂爲禮店所人父允官至中書省參政順帝時西番擾邊命吉連統兵駐厓城鎮番族畏服西邊遂靖以功遷至行省右丞相封秦國公諡忠穆子麟襲職元帥赤山前有漢番軍民元帥石麟紀功碑別封雍國公諡忠宣自允至麟皆入禮縣鄉賢祠國朝馬 疏 傳見安定鄉賢

祁嗣唐 傳見隴西鄉賢

以上禮縣鄉賢

明任 旒字廷儀徽州人成化中舉於鄉歷任蘭陽確山垣曲知縣所至有政績歸田後獨處斗室讀書其中卒後貧無以葬戚里助之乃克舉棺歸葬執紼者無閒遠近著書見藝文目錄

### 甘肅新通志

#### 卷六十五

人物志 鄉賢下

九

郭從道字省亭徽州人正德間舉於鄉任大名府通判擢應州知州除補順德同知時古北口常有邊警從道捐俸修關民得安堵人以郭公名關刻石記功累遷貴州兵備僉事進階參議致仕歸

創修徽州志

以上徽縣鄉賢

唐吳 郁兩當人肅宗時爲侍御史以直言謫長沙杜甫自秦州入蜀道兩當有過郁宅詩以當時郁見斥己爲拾遺不能救自責也明馮均臣兩當人由薦舉官戶科給事中忠直敢言

羅世錦字煥宇兩當人天啟壬戌科進士授臨緇令調蓬萊治行卓卓有名擢監察御史代巡山右興利除弊不少避崇禎甲甲及難死之

羅奇錦字關之世錦弟崇禎間知四川安居縣革馬戶禁截糧有政聲輿情推服爲頌十美一曰隆重祀典二曰三代治民三曰精

修武備四曰城池永壯五曰催科不擾六曰折獄如神七曰招撫  
流移八曰肅清左右九曰痛除羨鏹十曰囹圄一空邑御史李達  
錄其德政序之

以上兩當  
縣鄉賢

階州直隸州

宋牛 皓福津人仕爲川陝宣撫使後軍中部將紹興五年金人犯秦州宣撫副使吳玠遣諸將分道伺之皓至瓦吾谷與金將虎山遇皓所部不滿二百乃下馬與戰金將異皓欲招之皓力戰死金人歎曰真健兒也後贈翊衛大夫錄其家五人

元王 祥番將也內附蜀主明玉珍之臣明兵至階祥禦於蘭景鋪明將傅友德愛其驍勇招之不從遂戰死明憐其忠贈元帥千保之職後裔繁昌編次民籍

明王存禮階州人成化十四年進士授評事轉左寺副讞獄明允陞松潘副使詢民疾苦杜科斂定更番轉戍法軍民使之尙儉崇厚關邪匡正松潘稱治歸田後築草堂吟詠自適著書課子不干謁

當事 以上階州鄉賢

甘肅新通志

卷六十五

人物志 鄉賢下

十一

明葉紹先文縣人正德己卯舉人官直隸甯津縣知縣清廉著聞卒於任有祠有碑兼祀甯津名宦

王繼禮字行之文縣人嘉靖辛巳進士知阜城縣旋調常熟阜城民請留不可得爲立生祠於常熟海寇擾民相機擒之寇平賜白金文綺以薦擢監察御史巡視團營權度兵餉整軍容劾罷役占科剋諸將領巡按兩浙懲奸不少假而居心持平都御史臺稱爲賢後遷徽州知府在郡持廉秉公大獄立判遷浙江按察司副使巡察河濱嚴防禦廣儲犒敵人不敢犯境歷官至湖廣按察使國朝何宗韓文縣人雍正甲辰進士官禮部主事丙午山西主考陞員外郎授江南鳳廬道補刑部郎中陞大理寺左少卿性純厚以忠恕爲學自諸生至顯宦事無不可對人言善詩古文辭晚年解綬歸田益嗜學恆以忠孝勉勵後進遠近仰如山斗乾隆十二年奉

旨入祀 以上文  
縣鄉賢

明汪 澣字清夫成縣人宗賢子也正統乙未進士官戶部主事陞員外郎中景泰間奉勅選募隴右民兵禦敵有功奏入錫之誥命有式克勤慎厥績既著之褒廷臣薦之遷蘇州府知府政績尤美在任三年卒於官

汪養正 傳闕

柏丑辰 傳闕

汪抱一 傳闕

陳尙表成縣人萬厯中恩選初任山東歷城丞有賢聲陞知四川井研縣廉明益著遷雲南陞涼州知州未抵任丁父憂起復補四川眉州知州會奢酋作亂築城防禦募兵驅敵大有勞績轉湖南常德府同知不赴卒於家功著宦途德孚鄉評公請入祀 以上成  
縣鄉賢

慶陽府

明景 清真甯人生有異質讀書過目成誦性剛介初赴舉宿涪化民家有女爲妖所憑是夕妖不至曰吾避景秀才也女父語之清書景清在此四字令黏其戶妖遂絕洪武二十七年進士及第授翰林編脩改監察御史太祖召見命署都察院左僉都御史建文初擢左都御史以剛直聞靖難兵起清率師戰白溝河乘勝追之將及馬蹶而止成祖即位方孝孺練子甯輩俱相繼死清獨詣闕自歸命仍其官委蛇侍朝人皆疑之欽天監奏文星犯帝座色赤甚急成祖故疑清及朝清獨衣緋遂收清得所帶劍曰欲爲吾君報仇肆罵斷其舌清含血直前噴帝衣帝殺之剝其皮實以草繫朝門族其家後帝出草人忽斷索向前爲犯駕狀是後精英迭見時入殿廷爲厲遂赤其族宣德間詔建文時死者皆忠臣乃得贈

甘肅新通志

卷六十五

人物志 鄉賢下

十三

諡

楊 綸字大經安化人成化甲辰進士知肅甯縣擢監察御史厯按宣府河南四川臧吏望風解綬發宣府總兵趙昫貪酷伏其罪孝宗謂爲真御史厯升山西按察使不附劉瑾構罪下獄瑾誅起陞僉都御史巡撫宣府尋陞右副都御史掌院事整飭風紀後累疏乞休人皆稱爲清白大夫

陳 震字文靜慶陽衛人成化丁未進士宏治初授監察御史風裁凜然凡所按行平冤釋逮時稱平允厯兵部侍郎嘗總制大同諸邊勵志廉勤爲政明肅人不敢干以私精兵法六壬三式之學善騎射敵人不敢入寇

李夢陽字獻吉慶陽衛人母夢日墮懷而生故名夢陽宏治壬子舉鄉試第一癸丑成進士授戶部主事進郎中應詔上書言二病

三害六漸中指陳闡宦並壽甯侯張鶴齡怙寵驕縱罔利賊民鶴齡奏辨誣夢陽訕母后爲張氏下錦衣衛獄尋宥出奪俸武宗立太監劉瑾等八人亂政戶部尚書韓文流涕憂憤文令夢陽屬草奏之疏入詔廷議其事瑾知韓疏出夢陽手摭他事下夢陽獄將殺之康海力救得免瑾敗起江西提學副使振古學變宿習士翕然向風布政司鄭岳與夢陽因詰問相忤下廣信獄按之坐前作宸濠書院記削籍夢陽才思雄鷲以復古自命與何景明康海王九思等號十才子著書見藝文目錄

楊朝鳳字應時綸子正德庚午舉人辛未進士授行人擢留都監察御史監臨南畿場務不徇私竇榜發皆名士宿儒人服其藻鑑陞山西屯田僉事尋轉本省參議予告歸

韓奕字大之慶陽衛人家貧不能受讀以賦役見辱於軍吏始

## 甘肅新通志

### 卷六十五

人物志 鄉賢下

十四

奮志向學登正德中進士授四川新都令持已廉慎泣政平易擢監察御史奉命巡鹽兩浙時值礦徒嘯聚橫行州縣奕曰鹽法不過商賈一年利害耳今變起不滅禍延不淺多方招撫悉爲解散陞四川僉事致仕歸爲陶穴之居于城南教授生徒講性命之學一時俊髦多出門下

麻永吉字慶川安化人嘉靖乙丑進士秉性純篤嗜讀書母目失明飲食起居必親奉焉初授庶吉士累官御史太守廉憲嘗抗書劾大臣正色立朝不避權貴文章氣節一時仰爲山斗後卒於武昌宦邸囊橐罄然殮槨無資從祀武昌學宮子儕

麻儕字立軒舉萬曆三十五年進士授翰林庶吉士改兵科給事中疏陳納諫爭舉枚卜補大僚登遺佚速考選數事劾湯賓尹四十五年京察謫按察使知事天啟二年起太常寺少卿五年魏

忠賢亂政御史陳世俊劾之落職居家三十年布衣糲食不涉公庭癸未李自成陷慶陽不屈死之伯叔子姪同死者四十餘人惜名字不詳

唐 魁合水人崇禎丙子舉人授遼東甯遠衛推官實政清操督師褒美有獄囚金豫等四十人失入坐死魁欲原之吏曰如成案何不納悉從輕典居二年以薦授工科給事中逆闖犯京城欲污以官脫歸避居東華池不出賊平以田園爲樂屢徵不起壽八十七終於家

李巍然合水人幼聰敏氣度岸然家貧砥志試輒冠軍以明經授武昌府通判決斷如流獄無冤滯除奸革弊頌溢鄂南陞滇南安南知州政聲尤著

趙邦清字仲一真甯人由進士任山東滕縣尹六年耗羨盡數登

## 甘肅新通志

### 卷六十五

人物志 鄉賢下

十五

報上官爲民購牛千餘隻儲穀十萬餘石舉清廉第一行取吏部主事陞本部員外郎不受書帕都人呼爲包孝肅後被讒者論歸天啟二年起四川遵義道監軍參議招撫降叛收復內地後卒殉難詔贈光祿寺少卿廕一子任吏部時累疏裁革鹽商協濟並裁府屬六學訓導巡檢各一員邑人建祠立碑

王 信甯州人性純孝好讀書居家遵行朱子家禮父沒廬墓三年頂土築墳不食鹽菜邁疾幾危母病信年六十母臨終泣囑戒勿廬墓乃居祠三年足不出戶齋素哀毀亦如父喪由歲貢除靈璧訓導遷知正陽縣出勦土寇遇流賊猝至兵敗被執賊擁信脅降羅山縣信大罵不從斷頭剖腹死閱四日其子來覓尸猶舒指握子手贈光祿寺少卿諭賜祭葬

以上慶陽府鄉賢

元楊 恭安化人有精思善造五兵武藝絕倫元太祖駐六盤山以

功授萬戶侯明磁州守玉都御史綸參議朝鳳皆其後

明楊 王安化人以鄉舉初授保德知州總兵石亨以同省故每欲汲引玉遜避之後改磁州竟遷浙江市舶提舉玉亦不以爲悔厯官三地始終一節致仕歸閉戶不出自號伴雲老人

楊 綸 傳見前

楊朝鳳 傳見前

麻永吉 傳見前

麻 僖 傳見前

以上安化縣鄉賢

元孟 懿合水人金牌將軍元帥 傳闕

明唐 信合水人景泰丙子舉人銓授順義知縣爲政有賢聲

蔡 賢合水人成化戊子舉人任懷慶推官涖事清勤獄無冤滯值濟源劉白骨作亂賢率鄉兵禦之一方幸賴以安

### 甘肅新通志

#### 卷六十五

人物志 鄉賢下

十六

韓 鼎字廷器合水人成化辛丑進士選禮科給事中孝宗嗣位首陳公銓選經財用嚴兵衛崇天道四事尋差甯夏給散軍賞盡革侵漁之弊遷右給事中西夷貢獅所過騷然疏罷遣之又以皇嗣未廣爲憂上書極言上優詔答之進左給事中疏糾神樂觀董素雲竊祭服之罪且乞用文學之士以充太常後遷江西按察司副使平反冤獄奉命統制陝西討平吐蕃之亂陞兵部右侍郎正德間以疾歸著書見藝文目錄

李巍然 傳見前

韓守愚字希哲鼎之子正德三年進士選庶吉士補兵部武庫主事值逆瑾被收凡同省士大夫株逮者多守愚獨以質直不與調山東濟甯通判時流賊猖熾當事以守愚素諳軍機委以提率民兵守愚諭以忠義相機勦殺賊相戒趨他境厯四川按察使僉事

唐 魁 傳見前

唐際虞魁之子從父至京師值闖賊亂執魁索金幣虞給賊脫父  
以身代之榜掠殘毒無懼色尋亦得脫歲丙申邑饑出粟貸鄉里  
或以厚值償之虞辭不受

蘇升階合水人生員賊剋縣階被執賊索金帛階厲聲大罵至死  
不改色道府旌其門曰罵賊捐生

以上合水  
縣鄉賢

明張 安環縣人成化甲辰進士任山西臨晉縣尹天性剛正以清  
白公廉自持除奸長善爲己任竟受誣歸

道 本環縣人太學生任山西蒲州吏目民素健訟作歌以諭之  
一時訟獄稍息當道賢而異之

國朝韓 璠字伯玉環縣人雍正庚戌進士充侍衛補湖廣蘄州營都  
司蘄瀕巨湖風濤素險弁行走摺以時刻限每多溺死遂捐俸脩

### 甘肅新通志

### 卷六十五

人物志 鄉賢下

十七

造渡筏軍民便之

以上環  
縣鄉賢

明景 清 傳見前

党 理真甯人洪武三十年進士任宜陽縣丞以經術飾吏事政  
平化行境內以治永樂初累陞太僕寺卿泣政公勤抑豪強撫遺  
子遊食之民各安其業一時稱爲良吏

鞏國柱真甯人官葭州學正歷任四庠取與嚴一介閨門之內肅  
若師保雖私居言不妄發人無賢愚見者咸悚然起敬沒之日邑  
紳王涎夢國柱遊 孔廟兩廡諸賢揖而進之候久不出叩之內  
應曰已留之矣次早果以訃聞

鞏國楨國柱弟事繼母以孝聞友愛諸弟寢矩履繩型仁範義宗  
族服其化三十年無有訟於庭者閭里推爲陳太邱王彥方沒之  
曰闔邑悲痛

趙邦清 傳見前

國朝彭 翮正甯人順治戊子舉人壬辰進士任推官訟無冤民初流賊攻縣翮奮倡義勇躬督丁壯晝夜防禦賊遂棄圍去城賴以安

以上正甯縣鄉賢

宋李彥仙字少嚴甯州彭原人有大志所交皆豪俠嫻騎射補校尉靖康初應募勤王以功授石壕尉堅守三嘴屢敗金兵復知陝州極力禦敵大敗金人以孤城無援陷投河死之贈彰武軍節度使諡忠威

元朵兒赤字道明甯州人年十五通古注論語孟子尚書帝召見於香閣問曰朕聞儒者多嘉言赤奏曰陛下當親君子遠小人帝曰汝言甚當因授中興路新民總管墾田增賦帝大悅官至雲南廉訪副使時雲南諸蠻叛僚佐悉稱故去朵兒赤獨居守尋調廉訪

甘肅新通志

卷六十五

人物志 鄉賢下

十八

使行省丞相帖木迭兒貪暴擅誅殺羅織安撫使法花魯丁欲致之死朵兒赤詰其專殺法花魯丁獲免尋復其官朵兒赤後卒於官

王都中甯州人生三歲世祖念其父積翁功授平江路總管遇事立決人不敢欺後遷饒州路總管值歲饑曲爲賑救全活甚眾歲貢金而金戶貧富不能常都中考得其實更定之免州縣十倍之徵尋以憂去郡民爲立生祠服闋除兩浙鹽運使徧歷三十四場驗其物力高下以損益之役既平而課亦足鹽法遂修拜河南行省參知政事卒贈昭文館大學士諡清獻著書見藝文目錄

明王 信 傳見前

以上甯州鄉賢

甯夏府

漢傅 燮字南容北地靈州人少師事劉寬舉孝廉後爲護軍司馬黃巾賊亂燮上疏陳致亂之原請速行讒佞之誅言甚剴切中常侍趙忠惡之會燮功當封忠譖之帝猶識燮言不加罪尋任爲議郎每公卿有缺眾議必歸之帝使忠論討黃巾功忠使弟延致殷勤於燮曰公當少答我常侍萬戶侯可得也燮正色曰遇不遇命也有功不論時也傅燮豈求私賞哉忠愈憤然憚其名不敢害出爲漢陽太守韓遂擁兵十餘萬圍漢陽城中兵少食盡燮子幹年十三勸燮歸鄉里燮慨然曰聖達節次守節世亂不能養浩然之志食人之祿又欲免其難吾行何之必死於此遂麾左右進兵臨陣戰沒諡曰壯節侯幹知名位至扶風太守

唐戴休顏夏州人家世尚武志膽不常郭子儀引爲大將討平党項

甘肅新通志

卷六十五

人物志 鄉賢下

十九

羌以功封咸甯郡王兼朔方節度副使朱泚反率兵馳奔行在德宗嘉之賜實封三百後留守奉天李懷光屯咸陽使人誘之休顏斬其使勒兵自守遷奉天行營節度使合渾瑊兵破泚斬首三千級追至中渭橋京師平又與瑊率兵趨岐陽邀泚殘黨加檢校尚書右僕射從乘輿至京師拜左龍武軍統軍卒贈揚州大都督弟休璿歷開府儀同三司封東陽郡王休晏歷輔國大將軍封彭城郡公俱以將略稱

宋周 美字之純靈州回樂人少隸朔方軍以材武稱真宗幸澶淵常令宿衛陝西用兵美屢敗夏人龐籍范仲淹交薦之累遷秩副都總管在邊十餘載所向輒克諸將服之卒諡忠毅美前後十餘戰平族帳二百焚二十一招種落內附者十一族復城堡甚多祿賜多分其下家無餘貲

元楊朵兒只甯夏人事仁宗於藩邸甚見重命只與丞相定議迎武宗於北藩仁宗還京師只密致警備仁宗嘉之親解所服帶以賜既佐定內難論功以爲大中大夫家令丞日久侍側雖休沐不至家眾敬憚之帝他日與李孟論元人才孟以只第一拜禮部尚書爲權臣鐵木兒所害而死死時權臣欲奪其妻劉氏與人劉氏剪髮毀容獲免子不花

明胡汝礪甯夏人成化二十三年進士官至兵部尚書敏捷練達臨事裁決如流凡所在請託不行能持法

夏景華平虜人舉成化十年鄉試任河南彰德府推官正直尊嚴人莫敢干以私即上臺亦嚴憚之相戒毋瀆夏推官也

江應詔字聘吾甯夏人萬曆十八年襲指揮僉事於廣武等處剿賊獲首級八十餘顆以功歷九鎮總兵陞山海關提督挂鎮朔將

## 甘肅新通志

### 卷六十五

人物志 鄉賢下

二十

軍印賜尙方劍卒諡武忠

黃元會中衛人萬曆間貢士任武鄉縣知縣九載清操一塵不滓擇邑士之雋秀者入署與子壻同學中丞魏允中元會所選士也武鄉祀名宦

劉得政中衛人天啟間恩貢初任霍州判官有異政歷署鹽運使絳州臨汾所至皆有能聲陞蒲縣知縣李自成入晉有薦得政者僞授青州同知矢死不就棄官歸里甯夏巡道嘉其能委兼中東二路同知收拾殘憊地方功猶不泯

李 彪中衛人官至天津總兵李自成入燕白刎於鎮

國朝陳 福字東海甯夏人順治初以守備從征有功累陞四川夔州副將康熙十三年擢甯夏總兵官會吳三桂叛王輔臣據平涼遙應之遣僞將西陷洮蘭東占花馬池定邊時甯夏兵先經調赴征

川留者什之二三人情惶迫眾議紛紜福按劍怒曰敢有異議者齒此劍遂整兵東復花馬池定邊斬僞將朱龍倪五等甯夏已平移師西向固原前至平涼歲暮冰雪眾欲暫歸福銳意前進十四年十二月二十二日駐惠安堡定期次日進剿固原是夜福被亂軍殺死先是福家留川吳逆遣人持逆書僞劄結福福得書不啟即表奏 聞時東南路阻遣弟壽由口外求蒙古王引路七日至京 上詔壽問勞仍命壽歸授福陝西提督未至而福已沒後贈公爵世職諡忠愍

趙良棟字擎宇甯夏人順治初隨親王定陝西委署甯夏水利都司從總督孟喬芳剿叛回以擒僞將功陞高臺游擊調征雲南以平水西功授廣羅總兵聞父喪吳三桂蓄異志欲爲題留良棟力請終制奔歸補大同總兵移鎮天津滇藩反平涼提督王輔臣亦

甘肅新通志

卷六十五

人物志 鄉賢下

二十一

叛甯夏提督陳福被害沿邊擾亂 上簡良棟安撫星馳至鎮宣布 朝廷德意誅首惡寬脅從遠近悉安在鎮三年日練兵儲饟規畫已定乃疏請以勁卒五千獨當一面進取川滇康熙十八年冬遂自襄行糧由八堵山進密樹關復徽州略陽十九年正月朔兵臨白水江賊對江列營拒守 流湍湧時無舟楫良棟身先士卒躍馬浮渡兵從之賊潰走追至青川大敗之乘勝直抵成都申嚴紀律納降撫順市肆不移捷 聞授勇略將軍旋晉兵部尙書總督雲貴軍務克復象嶺奪大渡河取建昌全川既定進取雲南時楚粵兵圍城久弗克良棟至周視壁壘晝夜急攻凡七日而城下良棟駐兵城外不以一卒入城賊私積充物毫無所染滇省蕩平即移師曲靖具疏乞休 詔入京授鑾輿衛使明年以疾歸二十四年征噶爾旦 命良棟隨師出塞追敘前功授一等精奇尼

哈番世職二十六年 上巡幸甯夏良棟已沒 特命皇子弔奠  
閣臣致祭 賜諡襄忠 御製碑文以敘其功良棟早歲從戎身  
經百戰所向有功馭兵嚴而有恩皆樂爲之用克滇毫無所取有  
古大臣風著書見藝文目錄雍正八年 詔入祀賢良祠乾隆三  
十二年 上念良棟功其一等子爵 特予世襲罔替四十七年  
詔晉一等伯仍世襲罔替

俞益謨中衛廣武人年二十舉武鄉試第一成進士從提督陳福  
平朱龍陳江之亂授柳樹澗守備從奮威將軍王進寶征平川蜀  
以戰功累官進左都督授大同總鎮仕至湖廣提督鎮定譁卒征  
撫紅苗廷臣有才兼文武堪膺總督之薦先是征川時曾署順慶  
通判權郡守事性喜文學多延博雅之士所至輒爲諸生課文講  
學暇則集賓友考古爲詩文歸里後濬修渠開河隄設義學置學

甘肅新通志

卷六十五

人物志 鄉賢下

一一二一

田人至今稱之著書見藝文目錄

梁朝桂中衛人乾隆三十七年以中衛營外委出征金川有功擢  
江西南贛鎮總兵歷任陝西興漢鎮甘肅肅州鎮廣東高廉鎮總  
兵鎮高廉時值福建逆匪林爽文滋事朝桂領粵兵星馳赴閩至  
鹽水港直攻賊巢殺死無算生擒者甚眾復縱火燒其巢穴以滅  
根株 賞給奮勇巴圖名號又在鎮平莊帶劊力戰大獲全勝  
賞戴雙眼花翎 賜黃馬褂超擢福建陸路提督擒獲林爽文餘  
黨四十餘人先時平定金川曾於五十功臣內圖像 紫光閣此  
次復列入二十功臣 上諭重加圖像 御製贊曰金川剿逆埋  
根進首鹽水恆瑞未免掣肘及防蔴豆禦賊堅守受劊力戰嘉哉  
鮮偶後由廣西調湖廣提督五十九年卒於任

魏相臣字蓋宣中衛人由國子生官按察司經歷以卓薦授應山

令累著聲績革廣水驛往來藉差需索積弊旋以憂歸後赴楚乾隆乙卯署房縣嘉慶改元二月邪匪潛煽相臣繕城池集鄉勇守要隘方經營而賊蠡起環城豎白旗者約二萬相臣率丁役與守備羅陞嬰城守先是官兵多南征城中兵不滿百且無守具相臣令每城取石千擔用擊賊並製配火藥諸器械未幾賊合圍相臣之妻率婢子手續火彈火繩助之後賊伏西門洞焚其門城幾潰相臣親督男婦運石填之挹滾水從罅下灌賊糜爛時署中譌傳城陷其妻即就義家丁走報相臣囑令棺殮戒毋洩巡城指揮如故賊凡撲城數十次皆手援桴鼓冒矢石卻之蠟書走告鄉勇密約期期至義旗紛舉轟轟雷動相臣啟門率壯士夾擊擒逆首餘賊盡殲相臣勞鄉勇撫難民事定乃入署撫棺痛哭 上嘉乃績超擢相臣二千石相臣以積勞善恙稜稜骨立然理事如故捐貲

甘肅新通志

卷六十五

人物志 鄉賢下

二十三

增月城二敵樓三礮臺一外環以池大小礮等軍械募民壯訓練後以積勞卒於官 以上甯夏府鄉賢

明宋 儒甯夏人正統七年進士歷任江西按察司僉事有德行以

範俗

胡汝礪 傳見前

江應詔 傳見前

陸敏學甯夏庠生誥封榮祿大夫 傳闕

劉大敖甯夏人誥封光祿大夫 傳闕

張得才甯夏人誥贈榮祿大夫 傳闕

朱學顏甯夏人誥封中憲大夫 傳闕

趙 淮甯夏人誥授光祿大夫 傳闕

國朝朱廷翰甯夏人明崇禎己卯舉於鄉善騎射具文武才中式後與

羣俊校射九發九中策馬赴的舍矢如破選授萊蕪知縣調厯城尋棄官隱於西山太清觀甲申夏青齊濟兗間盜蠡起父老強起翰翰與刺血歃盟申忠義之氣強梁者悉聞風款附分渠帥爲兩部設十二營紀律森嚴戰勝攻取保障一方時王師方西追逆闖全力注華河右翰埽除羣醜使朝廷不費一鏃奄有山東督臣上其事擢雲南道御史按宣大兼攝學政整紀綱逐貪污靖伏莽興理學造髦士多所建白差竣請反初服歸與諸弟子理舊社著格言抄方書出囊中裝買藥物濟民病活人無算著書見藝文目錄

陳福 傳見前

趙良棟 傳見前

馬際伯字逸聞甯夏人從趙良棟恢復建昌抵雲南以功加參將

## 甘肅新通志

### 卷六十五

人物志 鄉賢下

一二十四

征厄魯特際伯裹糧出塞累立戰功授甯夏前營游擊擢靈州參將又擢陝西督標副將陞四川建昌總兵官撫戢軍民招徠苗人大有方略移西甯鎮恤兵惠商羌人歛戢聽命西甯人立祠祀之陞四川提督卒諡襄毅

杜呈泗甯夏人由行伍歷任江南提督有宦蹟

張奎甯夏諸生篤志好學事孀母以孝著教授生徒百餘人多騰達奎隨力資貧乏或以橫逆加置不校前理刑張某慕其品欲一見不可得每過其門咨嗟久之

吳進義字子恆甯夏人由行伍歷官江南浙江福建提督補古北口提督訓練撫綏多著方略兵民咸感頌焉在古北口任年八十晉秩太子少保二十六年恭逢萬壽慶典賜列九老恩數稠疊一時寵榮武臣莫與比敦宗睦族購書籍藏學宮又製藍衫緯

帽供丁祭用年八十四卒於官諡壯愨

賜祭葬

以上甯夏甯朔二縣鄉賢

明夏景華 傳見前

國朝俞德淵字陶泉平羅人嘉慶二十二年進士由翰林改江蘇荆溪知縣蒞政有聲總督林則徐巡撫賀長齡咸器之調長洲縣甚得民心遷徐州府同知道光八年海運告竣巡撫陶澍特疏奏保擢常州府調江甯署江南鹽巡道超授兩淮鹽運使其任守令也化民以誠一變風俗吳郡淫潦籌賑救飢全活不少鉤抉疑獄民無冤滯疏濬三江水利辦理海運事宜卓有惠績官鹽運司時當鹺務敗壞之餘減雜項緩科則平引價禁偷漏嚴私銷革陋規整頓不遺餘力鹺務日有起色則徐於時彥少所擢許獨稱淵曰體用兼賅表裏如一十五年冬陶澍入 覲薦淵可大用 上亦嘉之而淵竟以疾卒荆溪長洲江甯士民間之皆流涕請祀各屬名宦

### 甘肅新通志

#### 卷六十五

人物志 鄉賢下

二十五

祠著書見藝文目錄 以上平羅縣鄉賢

漢傅 燮 傳見前

國朝張 煦字南浦靈州人父松年舉人狄道學正訓士有古風煦承家學以道光己酉拔貢舉鄉試咸豐癸丑成進士授刑部主事擢員外郎遷郎中京察一等出爲貴州鎮遠府知府調貴陽府丁母憂去職服闋補貴東道遷陝西按察使擢廣東布政使辭不赴乃調山西簡任陝西巡撫又調湖南山西初爲治一本經術詰奸黷安良懦咸頌神明及任封疆值公私凋瘵滌除封靡綜核名實革陋規清積弊上下肅然不動聲色消患未萌廉靜愨實不爲赫赫名所在事集而民和有各得其所之樂撫湘時有覆湖廣督臣書爲海內所欽服光緒二十一年八月卒於晉撫任遺疏入 上軫惜 勅所司議卹如故事喪歸關中民巷哭致祭遂留葬焉子體

元贊元孫柄權體元候選郎中柄二品廕生

以上靈州鄉賢

明李 本中衛人嘉靖間以選貢任山西崞縣知縣 傳闕

汪 潮中衛人嘉靖間選貢任沐陽縣丞雅尚淡泊一食一衣動以民膏爲念廉明特著淮上號爲青天及居鄉有古君子風焉  
黃元會 傳見前

周於人中衛人萬厯間貢士任興文令振興文教治邑有聲陞青州府通判詩文散見於碑版

李盈郊中衛人萬厯間選貢任金華府通判有政聲事父母以孝謹聞處鄉黨克盡嫻睦

黃 籍元會子萬厯間貢士任渠縣知縣淡泊自甘一介不苟父子清操衛人至今稱之

尹衡志中衛人萬厯間貢士任鄆縣學諭沈潛學問遵守程朱鄉

### 甘肅新通志

#### 卷六十五

人物志 鄉賢下

二十六

人有理學之目

沈 紹中衛廩生萬厯間人涉獵羣書雅稱博奧有名一時

劉得政 傳見前

趙邦瑜中衛人崇禎間恩貢任祥符縣丞治水清軍頗有聲譽調太原經歷汴人感其德不忍以遷官去爲公呈當道得保題陞銜留任有清官圖說可攷

國朝靳可教中衛人順治間選貢任內黃縣丞歲饑捐俸施粥設法賑濟民賴以全活者甚眾

郝良桐中衛人順治間拔貢授江西甯都縣丞以捍城功陞授浙江定海縣知縣有惠政邑人建祠祀之

李日榮中衛人幼從軍康熙十五年王輔臣變洮蘭等城俱失日榮隨奮威將軍王進寶夜渡黃河恢復臨洮功第一加都督銜又

從征西川平定保甯勞績最著歷陞廣東順德總兵所至俱有政聲卒於任 賜祭葬子彪官天津總兵明末殉難父子同祀鄉賢狄世俊中衛人庠生王輔臣之變隨靖逆侯張勇征勦通渭樂門等處累著功績授都司僉事中衛掌印守備顧來鶴以驅民夫防河激變眾擊掌印死張勇聞之怒謂中衛從逆殺官命世俊統兵征勦世俊即以身家保衛民不反兵至河南留屯不進隻身入衛城訪察情真捕首事三四人斬之餘皆安堵如故歷陞至松江參將廣西泗城營副將加都督僉事卒於官

俞益謨 傳見前

馮飛雲中衛人癸卯拔貢甲辰舉人丁巳會試選取明通授興平教諭以訓士散賑保陞河南新鄭縣知縣修城堞延師興學卒於任貧不能歸士民公助始舉喪旋里

甘肅新通志

卷六十五

人物志 鄉賢下

一二十七

羅如倫中衛石空堡人雍正己酉拔貢歷任湖南衡陽瀏陽直隸欒城知縣陞宛平知縣歷官燕楚爲政寬平民皆便之居鄉則啟迪後進課文訓俗綽有前輩風

閻鳳甯中衛人歲貢任會甯訓導以老乞歸勸鄉人種桑力興蠶織治家務耕農於渠工猶勤率鄉氓嘗修濬焉鄉里稱長者乾隆三年舉鄉飲大賓

梁朝桂 傳見前

羅全詩中衛人乾隆甲子舉人壬申進士任湖南安福縣知縣嚴明正直邑人服之

周守璽中衛人乾隆丙子武舉任涼州鎮土門營守備後任烏魯木齊千總爲人厚重緘默處紛擾能以鎮靜守之故人有峴山遺愛之頌

周維藩中衛人乾隆甲午舉人大挑官直隸知縣所至皆有政聲其宰贊皇也值上駕幸五臺維藩平治道塗修葺行宮不尙侈靡上見其悃悞無華奉旨周維藩頗堪擢用上官擬調宛平劇篆有紈袴子索以重利維藩正色厲聲云我身受主知豈肯賄賂求榮致負國恩耶遂引疾歸里以詩書自娛日訓課子弟里中有貧乏者婚娶喪葬必量力以助卒後人猶頌其厚德張志濂中衛人乾隆庚子由副榜舉於鄉乙未成進士任山西汾西縣知縣汾西民俗强悍命盜迭出志濂化導三月無赴公堂報命案者持己廉人不敢干以私凡病民之事力陳上官必革除而後已至今汾民猶有能道之者

魏相臣 傳見前

以上中衛縣鄉賢

西甯府

漢郭 憲字幼簡西平人建安中爲郡功曹州辟不就以仁篤爲一郡所歸至十七年韓約失眾來歸眾欲取約以徼功而憲獨厚遇之約死田樂陽遠等就斬約頭當送之又欲條疏憲名憲弗肯時曹操方攻漢中在武都遠等送約首具情以對操歎其志義乃並表列與遠等俱賜爵關內侯黃初元年病亡正始初追嘉其事復賜其子爵關內侯

北魏源 賀西平樂都人禿髮儁檀子也偉容貌善風儀儁檀國滅賀奔魏太武帝器其機辯賜爵西平侯詔曰卿與朕同源今可爲源氏帝征涼州賀陳攻取之策涼州平進爵西平公與尙書陸麗翼戴文成以定策勳進爵西平王出爲冀州刺史改封隴西王旣受除請減大辟帝深納之徵拜太尉及獻文將傳位京兆王子推

甘肅新通志

卷六十五

人物志 鄉賢下

二十九

賀固執不可卒立孝文賀依古今兵法採至要爲十二陣圖獻文覽而嘉焉孝文太和三年薨贈侍中太尉諡曰宣陪葬金陵

源 懷賀子謙恭寬雅有大度襲父爵爲雍州刺史清儉有惠政善撫恤竊盜息止景明二年詔奸吏犯罪不問輕重藏竄者悉皆遠流懷上書報可詔持節巡行北邊撫導有方上事宜便於北邊者凡三十餘條皆見嘉納正始元年蠕蠕南寇詔懷以本官便宜從事洎至雲中蠕蠕亡遁乃按視諸鎮築城儲餉事宜凡表五十八條帝並從之懷爲人奉公不撓劾于祚元尼須之貪時人以張鎮周比之年六十一而卒贈司徒公諡曰惠

源子邕懷子字靈和少好文雅篤志於學推誠待士士多歸之累遷夏州刺史以平賊功封樂平縣公安樂王鑿據鄴反勅子邕與都督李神軌討平之改封陽平縣公後討葛榮沒於陣贈司空諡

曰莊穆

源子恭邕弟字靈順聰明好學稍遷尚書北主客郎河州羌卻鐵忠反詔子恭爲行臺討之子恭示以威信二旬皆降朝廷嘉之屢以軍功封臨穎縣侯閔帝初以預定策勳封臨汝縣子天平初除中書監三年拜魏尹卒贈司空公諡曰文獻

周源 彪子恭子字文宗學涉機警少有名譽魏永安中以功賜爵臨穎縣伯天平四年爲涼州大中正皇建二年累遷涇州刺史彪以恩信待物邊境輯和鄰人欽服累遷秦州刺史及齊平入京授儀同大將軍司城下大夫隋開皇中拜莒州刺史

源 師彪子字踐言少知名明辨有識仕齊爲尚書左外兵郎中周武帝平齊授司賦上士隋累遷尚書左丞以明幹著稱蜀王秀頗違法度乃以師爲益州總管司馬常苦諫秀秀敗州官多連坐

甘肅新通志

卷六十五

人物志 鄉賢下

三十

師獨獲免煬帝即位拜大理少卿卒於刑部侍郎

元劉 容字仲寬西甯青海人幼穎悟稍長喜讀書雖從俗習騎射終非其好世祖中統初以國師薦入東宮傅皇太子出直即詣國子祭酒許衡衡亦與進之至元十五年奉旨詣江西撫慰新附之民民皆感悅會立詹事院容上言曰太子天下本須端人正士輔翼之毋使傾側之徒俄命爲太子司議改祕書監出爲廣平路總管皇太子雲南王至汴其達魯花赤某欲厚斂以通賄於王容自往乃減其費後以疾卒於官

明李南哥西甯衛土人元西甯州同知洪武四年歸附授本衛鎮撫指揮招安番族累功加世襲開創衛治厥功居多宣德中子英以功封會甯伯並封南哥如子爵嗣卒今西碾二邑世襲土官兩李氏皆其子孫

李 完西甯衛人嘉靖七年舉於鄉任直隸衡水知縣甫釋褐以家產推於兄生平衣不重采食無兼味清苦有冰蘖操尋解任歸閉戶讀書無間寒暑絕跡公門工古文詞

以上西甯府鄉賢

祁貢哥星吉西甯人元甘肅省理問所官洪武元年歸附授副千戶職累功世襲守禦碾伯赴青海鹽池收捕西番亦林真奔招撫祁者孫諸番酋三十五年亦林真奔叛寇歸德暖泉星吉戰死之張 文字元素西甯人學校初立首膺歲薦任山西隰州吏目當官清慎而勤以俸儉家人饗飧皆啖棗柿州人爲頌冰蘖尋解官歸居家長厚謙退不營數數有古君子風

李 英西甯人永樂十年討番酋老的罕有功進都指揮僉事發番僧張答里麻之惡磔死籍其家西陲快之末年中官喬來喜等使西域道安定曲先遇賊見殺掠所贖金帛仁宗勅英與土官指

甘肅新通志

卷六十五

人物志 鄉賢下

三十一

揮康壽等進討俘斬千百餘人曲先賊遠遁安定王桑爾加失夾懼詣闕謝罪帝嘉英功諭令馳驛入朝擢右府左都督賜賚加等封會甯伯祿一千一百石

李 文英從子宣德間爲陝西行都司都指揮僉事以積勳累官都指揮使先是都指揮穆肅失馬疑西戎思俄可盜之收掠致死番人惶駭思亂文劾之逮肅下獄西陲得無事天順元年以迎駕功進都督僉事未幾以右都督出鎮大同適寇犯威遠帥師敗之封高陽伯後因事論死帝宥之降都督僉事立功延綏復進都督同知成化中哈密爲吐魯番所併求救文與右通政劉文往經略之宏治初卒正德初贈高陽伯

盧 清西甯人有雅量正統辛酉舉於鄉會試以乙榜分教陳留尋歸居家野服常與田夫牧豎校雨量晴忻然忘返家庭雍肅於

公所一無造請

祁 賢西甯人祁貢哥星吉之孫也從李英北征以功擢西甯衛世襲指揮僉事從英討曲先賊敗之加指揮同知宣德元年遣往罕東諸處招撫叛亡正統七年復遣往阿端曲先招撫指揮準者罕都立諸叛番嗣又捕獲安定衛邀殺旗軍占麻力暨巴沙部瓦洛牽咱部殺死總旗侯林男諸叛番名聞西陲尋卒封武翼大夫指揮使其子孫世襲土官

張 經字道器文從子正德間以歲薦丞固安典馬值歲饑蒿目民艱而不問馬大罔吏下檄如星火堅不應百姓德之既而聞母沒之訃即挾衰行百姓如孺子泣居庭肅若朝典跬步不苟雖室徒壁立或並日而炊晏如也

張 萊字鬢東經子補順天弟子員性篤孝友親疾晝夜侍湯藥

甘肅新通志

卷六十五

人物志 鄉賢下

三十一

不一入私室居常以寬處里閭以恕持身以恭儉教子孫冠裳外生平不蓄副服里有鰥寡無不周恤後子問仁貴累封山東按察司僉事卒年九十兄芝由貢士簿四川鄰水縣草創西甯衛志湟中家風以張氏爲最

張大玘西甯人太學生嘉靖五年任鎮番衛經歷生平忠厚嚴明守正不阿常面折人過人咸憚之西甯昔爲魯將所轄民苦其虐玘甫受官即上疏極言其不便許之削其權民始帖然

張問仁字以元西甯人由嘉靖丙辰進士出宰陽城以廉平擢工部主事受簡書樞江淮期滿有羨萬五千金不入私囊晉員外郎復察廉擢山東東兗僉事再晉直隸昌平兵備參議整飭戎政具有條律以封部爲陵寢重地創建甌城時奉肅宗靈梓安置從官如雲問仁躬自酬應不以累民有忌之者以飛語疑吏部執政竟

論去問仁略無愠色百姓臥轍留圖書之外無長物歸家奉親親沒葬祭以禮爲鄉人式善詩文著書見藝文目錄

柴國柱字擊霄西甯人萬厯中由世襲厯西甯中軍守備壯勇足智善騎射以擊寇錄功進都督指揮僉事旋擢涼州副總兵銀定歹成連兵寇鎮番國柱馳救擊走之旣又犯河西國柱邀擊復獲勝擢署都督僉事陝西總兵官後擊河套松山諸部累加右都督世廕指揮僉事代杜松鎮山海關松敗沒國柱力遏邊寇尋移鎮瀋陽謝病歸天啟初追錄邊功加左都督卒賜卹如制子時秀厯官遼東副總兵沒於陣時華厯官甘肅總兵

王承恩西甯人年十八膺祖職以勇敢授山岔守備累遷大靖參將崇禎中京師戒嚴詔兵部議戰將以承恩勇冠軍令提兵有功擢臨洮總兵官未幾京師復戒嚴帥兵星馳抵都有功賜金帛加

甘肅新通志

卷六十五

人物志 鄉賢下

三十三

太子少保鎮西將軍改延綏總兵官擊破流賊首上天龍馬老虎獨行狼上天龍降以親未葬乞歸久之帝詔入都擢用行遇亂沒於途

國朝祁興周前明祁德孫也襲父廷諫指揮使職崇禎末流賊破關中興周從父密計約莊浪土司魯行昌申中番目完冲敵血訂盟誓以死守賊偵伺之不敢犯會旁孽魯文彬率賊眾至平濠重圍曲示招徠遂致中變城危興周合申中完冲土官祁國屏等趣攻急戰手斬文彬並其黨旋又計殺賊僞將賀錦暨賊黨數千旣而賀賊餘孽深仇祁氏攻獲廷諫係累以去興周乞兵求援英王總督孟喬芳至賊始潰撫定三秦廷諫歸附仍授世襲指揮使興周襲

職厯官大靖參將

馬進良字棟宇西甯人甫弱冠從戎技勇冠軍後征吳逆以功累

擢古北口總兵從征噶爾旦多著奇勳加提督康熙五十三年以老乞休 上嘉其勳勞寵以宸章賚之御衣遣天臣致送歸里卒諡襄毅

包近忠西甯人以才勇從戎歷官湖廣九谿副將後擢西甯總兵官前往西藏代鑾儀使協理諸務 賜帑千金雍正十年卒 恩

賜葬祭

以上西甯縣鄉賢

明朵爾只失結西甯衛右所人仕元爲甘肅行省右丞洪武四年入貢歸附招撫叛亡暨諸蒙古授宣武將軍旋又招安定王內附收捕生番有功授宣威將軍世襲西甯衛指揮僉事自是從軍北征詔征西番共立大功一十有二卒於官子端竹嗣職

祁秉忠朵爾只失結後也萬厯間襲指揮同知以功遷洪水遊擊改西甯鎮海遊擊遷甘肅參將又改補永昌參將銀定歹吉擁兵

## 甘肅新通志

### 卷六十五

人物志 鄉賢下

三十四

入塞忠提兵拒之轉戰兩晝夜手刃三虜邊民頌之樹碣刻湟中將軍手刃三虜孤軍轉戰處擢甘肅總兵官加太子少保後守遼東蒲河沒於陣贈少保左都督世襲三級

國朝李天俞碾伯人有膽識習邊情崇禎甲申流賊蹂躪湟中天俞妻妾二弟暨部落死者三百餘人後歸附我 朝英王命其安撫河西各土司暨番族存順勦逆擒叛番趙進忠順治五年從總督孟喬芳力勦叛回別與祁國屏攻貴德康家寨斬賊首無算以功授世襲指揮同知康熙三年卒於官今碾伯土司皆其後嗣也

祁伯豸碾伯人嗣父官康熙十四年從西甯總兵王進寶擊叛藩吳逆僞帥吳之茂暨叛督王輔臣於皋蘭山恢復蘭州臨鞏秦州等處身負礮傷幾死授蘭州遊擊旋調山東壽張營遊擊二十八年入 覲蒙 上召見親驗礮傷歷進總兵官四十二年陟鑾輿

使未幾乞休歸林園自適卒於家

祁仲豸伯豸弟也舉康熙八年武鄉試九年進士從總兵王進寶恢復臨鞏秦州以功授西甯威遠營守備又駐防秦州克復西河禮縣功上授西甯鎮標遊擊改直隸張家口遊擊聲稱藉甚上征噶爾旦竭力轉戰隨 駕出塞至鄂爾多斯軍中運米不辭勞苦以功授山西河保營參將改任助馬路晉浙江金華副總兵致仕歸仍署世襲土指揮同知卒於里蒙 恩賜祭

以上礪伯縣鄉賢

北魏源 賀 傳見前

源

懷

傳見前

以上大通縣鄉賢

明王 猷貴德人原籍江南宜興從明太祖起兵克宜興攻蘆州征鄱陽湖又從克蘇州汴梁洮州等處以功除河州衛右所試百戶繼又授昭信校尉與世襲旋調中左所從征罕東剿捕洮州後征

### 甘肅新通志

#### 卷六十五

人物志 鄉賢下

三十五

文縣賊戰於羅家溝身負重傷猶奮往殺賊深搗巢穴因傷重墜馬被擒復奪刀格殺數人遂遇害子華襲職

趙 鑑貴德人本秦州籍洪武十九年以鎮撫鄴野麻谷賊番親提兵至界察形勢密林內番賊猝至與之敵身著數矢仍力疾戰右脅又負傷被執不屈遂遇害事聞贈忠顯將軍世襲千戶子鏞襲職

楊速南巴貴德人洪武十九年從征烏斯藏有功授副百戶二十一年從征靈藏莽站番賊身負重傷全軍而歸功加正百戶二十五年從征階文賊力戰左臂受傷再戰左脅中流矢墜馬又戰胸被槍而亡事聞贈武略將軍世襲副千戶子楊哈刺章嗣永樂間征三岔口有首夷功補貴德右所副千戶後北征追寇死於陣國朝魏振先貴德人咸豐乙未科武舉同治六年仗義禦賊被害事

聞 予世襲雲騎尉

許得祿貴德人修德講讓明理慎行同治六年同知承順被害得

祿詣署抱屍痛哭從容出城投河而死

以上貴德廳鄉賢

明韓完卜循化人始祖韓哈麻明初歸附授河州鎮撫世職完卜於

萬曆十八年襲父職以勦辦生番積功授指揮僉事陞授指揮使

推陞甯夏石空堡守備以病辭歸明末卒

循化廳鄉賢

國朝柯養德丹噶爾人鎮海營兵書嘉慶十六年奉派關外烏什駐防

保從九品選江西景德鎮典史歷升陝西郿縣知縣精明強幹大

有政聲

魏裕祿字荷園丹噶爾人道光乙酉拔貢學博行修工書法同治

回亂奉諭辦團凡防禦積儲具有條理主持名教丹人士多宗之

以上丹噶爾廳鄉賢

甘肅新通志

卷六十五

人物志 鄉賢下

三十六

國朝祁伯豸 傳見前

祁仲豸 傳見前

以上巴燕戎格廳鄉賢

涼州府

晉賈 疋字彥度武威人魏太尉詡之曾孫少有志略器望甚偉初辟公府遂歷顯職遷安定太守愍帝以疋爲驃騎將軍雍州刺史封酒泉公時諸郡百姓饑饉白骨蔽野百無一存疋帥兵將伐長安西平太守竺恢亦固守劉曜等距疋先攻竺恢不克疋邀擊大敗之追至于甘泉旋自渭橋襲胡彭蕩仲殺之遂迎秦王爲皇太子後蕩仲子夫護帥羣胡攻之疋敗走夜墮于澗爲夫護所害疋勇略有志節以匡復晉室爲己任不幸顛墜時人痛惜之

北魏賈 彝字彥倫武威姑臧人父爲苻堅鉅鹿太守坐訕謗繫獄彝年十歲詣長安訟父冤獲伸遠近歎之弱冠爲慕容垂遼西王農記室參軍魏道武聞其名遣使求彝及即位拜尚書左丞預國政

甘肅新通志

卷六十五

人物志 鄉賢下

三十七

陰仲達武威姑臧人少以文學知名世祖平涼州內徙代都司徒崔浩啟仲達涼土才華同修國史除祕書著作郎

段承根武威姑臧人漢太尉頰之後好學有機辨文思甚敏魏道武時與同郡陰仲達俱被崔浩薦爲著作郎參修國史同事者咸重之爲敦煌太守李寔所敬

常 爽武威姑臧人 傳見涼州流寓

隋陰 壽武威人少果烈有武幹高祖嘗遣韋孝寬擊尉遲迴命壽監軍時孝寬有疾不能親總戎事三軍綱紀皆取決於壽以功進位上柱國拜幽州總管封趙國公

陰世師壽子性忠厚多武藝拜儀同張掖太守甚爲戎狄所憚後遷左翊衛將軍與代王留守京師唐兵至世師以世荷國恩拒守城陷死之

唐安興貴河西涼州人武德二年仕長安請說涼王李軌唐主乃遣之興貴至乘間說軌曰今唐殆天啟非人力也若往歸之則竇融之功復見於今日矣軌曰吾據山河之固彼若我何興貴退與弟修仁陰結諸羌起兵擊軌軌敗入城登陴須外援興貴傳言曰唐遣我來取軌不從者罪三族於是諸城不敢動修仁執送之長安詔以興貴爲右武侯大將軍封涼國公

李抱玉本安興貴曾孫世居河西嫺騎射爲人沈毅有謀李光弼引爲裨將累有戰功安祿山亂抱玉上言世居涼州恥與逆臣共宗詔賜姓李史思明破東郡光弼使抱玉守南城賊急攻抱玉縱奇兵出俘殺甚眾賊大敗因不能西論功封欒城縣司空兼兵部尚書大曆三年加山南西道副元帥兼節度使屯整屋在鎮十餘年禁暴安人爲將臣之良卒贈太保諡昭武

甘肅新通志

卷六十五

人物志 鄉賢下

三十八

李抱貞抱玉從弟沈慮能斷抱玉屬以軍事代宗時授澤州刺史兼澤潞節度副使抱貞策山東有變上黨爲兵衝乃籍民戶三丁之一蠲其徭租給弓矢習射三年皆爲精兵遂雄視山東步兵爲諸道冠田悅反圍邢及臨洛抱貞破走之進檢校尚書僕射朱泚李希烈反抱貞以數騎馳見王武俊說之約爲兄弟破朱滔進檢校司空卒詔贈太保

段秀實字成公武威人幼有至性號孝童長沈厚能斷慨然有濟世意棄明經以武功進大曆三年拜涇原鄭頰節度使德宗立加檢校禮部尚書建中初楊炎欲城原州秀實言請須農隙炎謂阻已遂召爲司農卿朱泚反使騎往迎秀實與子弟訣而入諭泚以忠義泚默然會源休教泚僞迎天子遣將韓旻領銳師疾馳秀實諭大吏岐靈岳詐爲姚令言符倒用司農印追旻還翌日泚召秀

實計事語至僭位秀實起奪休笏奮前罵曰狂賊可磔萬段我豈從汝反擊泚中顙遂遇害帝恨用秀實不極才興元元年詔贈太尉諡忠烈

段平仲字秉庸武威人擢監察御史磊落有氣節敢言是時德宗春秋高躬自聽斷天下事有所壅隔羣臣畏帝苛察無敢言平仲得對欲有所陳帝怒叱去由是坐廢然名由此顯元和初爲諫議大夫再遷尚書左丞朝廷有得失未嘗不論奏世推其敢直終太子左庶子

李益字君虞武威人故相揆族子長於詩每篇成樂工爭賂取之憲宗召爲祕書少監集賢殿學士太和初以禮部尚書致仕

元幹 樂北庭人祖哈刺本畏兀兒國人自元太祖起兵四年來歸居於永昌故世爲永昌巨族幹樂久居政府聰明典重通達國體

### 甘肅新通志

#### 卷六十五

人物志 鄉賢下

二十九

敷歷中外由直省舍人歷官平章政事元危素撰墓碑

余闕字廷心唐兀氏家世武威父官廬州少失怙遂家焉長力學授徒養母元統初進士及第歷官至淮南行省分守安慶號令嚴明與下同甘苦議屯田並捐俸請鈔賑饑旱澇禱輒應既而靖苗蠻集商旅走普勝扼友諒退祝寇屹然爲江淮保障後以羣盜併攻身被重傷援兵不至遂自刎妻子俱赴井死賊義之求屍塘中具衣冠葬之西門外事聞贈平章政事豳國公諡忠宣闕嘗修遼金宋三史五經傳注詩文篆隸古雅不羣詔立廟忠節坊歲時致祭

明吳允誠蒙古人本名把都帖木兒居甘肅塞外塔溝地永樂三年率妻子及部落五千馬駝萬六千因宋晟來歸賜姓吳允誠授右軍都督僉事使居涼州八年從出塞敗本雅失里進左都督追獲

闕脫赤封恭順伯允誠之子答蘭管者克勤帝征瓦剌允誠父子皆從允誠卒贈國公諡忠壯正統土木之變克忠與其弟都督克勤爲後拒寇至戰不勝官軍死傷略盡克忠下馬射矢竭猶殺數人與克勤俱歿於陣贈邠國公諡忠勇克勤贈遵化伯諡僖敏

吳克勤 傳詳上

吳管者允誠次子允誠從征遠出涼州番人虎保等欲脇眾叛管者與母密謀擒其黨誅之授都督僉事封廣義伯

脫脫卜花永昌衛人永樂八年春土達兀馬兒沙等謀叛卜花偵其奸往報甘州總鎮既還賊知之執其妻子脅之使從卜花義弗屈自刎死事聞上憫其忠以子帖木兒爲衛所鎮撫賜襲衣冠帶鈔段並卹其家被掠牛羊駝馬官給還其孫朵兒只正統九年賜姓趙世襲指揮僉事

甘肅新通志

卷六十五

人物志 鄉賢下

四十

毛 忠字允誠扒里扒沙人累世立戰功封伏羌伯充甘肅副總兵成化間討滿四與其孫鎧奮戰俱死礮架山事聞憲宗賜鐵券贈侯宏治乙卯建祠致祭諡武勇又立忠義坊以表之

嚴 璽古浪人體貌魁梧智勇過人襲父職授涼州衛千戶改古浪守備署本所事愛恤軍士禦虜有法墾荒田鑿河渠置義倉立社學周貧恤寡凡有益於地方者靡不爲之正德間北虜入寇逼本所時盛暑璽晝夜不解甲往來防禦且乘隙擊之賊遂去一方賴以保全丙子因防送行客追賊番力戰而死平生仗義臨難不苟巡撫奏請立祠以祀右僉都御史孟泰爲碑記

達 雲涼州衛人勇悍饒智略萬厯中嗣祖職指揮僉事累進西甯參將有順義王俺答從子永邵卜者部眾強盛隨安答西迎活佛留據青海更名瓦剌他卜囊歲爲西甯患嘗誘殺副將李魁二

十三年九月九日擁勁騎直入雲伏兵朵爾峽口外而已提卒二千與戰方合伏忽起夾擊大敗之雲手馘其帥一人斬首六百八十餘級獲駝馬戎器無算所馘把都爾恰即前殺李魁者其地即魁陣亡處爲西陲戰功第一邊人快焉後寇復至雲衝擊寇死傷無算追奔數十里捷聞帝遣官郊廟宣捷永邵卜敗遠徙雲招番復業者七千餘戶命雲以總兵官鎮守延綏未幾鎮甘肅有松山賓免阿赤免等屢爲邊患雲分道襲之寇遠竄攘地五百里松山既復爲築邊垣分屯置戍寇入犯輒大破之以功進秩增勳蔭雲爲將先登陷陣所至未嘗挫衄名震西陲爲一時邊將之冠卒贈太子太保子奇勛昌平總兵

李 義鎮守甯夏總兵官 傳闕

唐 勇官甘肅游擊 傳闕

甘肅新通志

卷六十五

人物志 鄉賢下

四十一

張 達鎮守山西固原總兵官 傳闕

徐 威官莊浪參將 傳闕

魏 慶山西總兵官 傳闕

陳 欽官宣府參將 傳闕

楊 佑協鎮甘肅副總兵官 傳闕

李維新字小台武威人黔蜀提督設計誅苗賊奢寅蜀遂平贈光祿大夫太子太保

國朝李鎮鼎武威人官廣東提督都督同知以功 加太子太保

賈漢英字仲儒武威人明末諸生方讀書已有志於聖賢辨義利嚴取與孝親信友刻厲爲學家極貧鄰人憫其困乏或餽之粟漢英辭不受且曰窮視其所不取是謂養廉達視其所不爲是謂知恥夫人必窮有不取而後達有不爲也聞者韙其言康熙間 詔

求天下隱逸郡守以其名薦漢英不起屢徵屢卻之晚歲所學益粹而貧日甚饔飧常不繼乃陶然獨樂絃誦之聲達於戶外鄉人化焉沒而私諡曰貞子

孫文炳字元樸武威人庠生恂謹持禮法兄某武生狂放不羈蕩廢先人產幾罄文炳婉諫不用求分餘產文炳復諫繼之以哭不允遂析箸甘貧讀書教授邑中子弟館俸自養兄沒儲歲所入復先人產兄子諱方在襁褓文炳取而撫之後領武鄉試邑有馬某以父母客於外將迎養託其妻於文炳文炳令與室人徐氏同食寢而已宿於外舍飭子弟年十五以上無得至廂以內凡期年馬歸挈其妻去子詔康熙間進士官至湖北布政使

以上涼州府鄉賢

國朝李棲鳳字瑞梧武威人明四川總兵李維新長子維新官薊遼時生棲鳳於廣甯遂籍廣甯爲文學仕清祕書院副理事官順治元

### 甘肅新通志

#### 卷六十五

人物志 鄉賢下

四十二

年除山東東昌道三年遷湖廣布政使未幾擢安徽巡撫既泣任檄總兵李仲興副將許漢鼎勦土寇程國柱等擒獲僞總兵江烏鄭恩祥招降僞總兵張天騏江州土寇望風畏之而其黨趙正及子應捷復犯宿松棲鳳督師進勦至洿池斬賊千餘級擒趙正父子及僞瑞昌王朱誼貴會屬吏或濫徵錢糧棲鳳失効參坐徇縱鐫職五年起爲浙江杭嘉湖道六年授廣東巡撫時明桂王由榔居隆安廣東巨寇附之平南王尚可喜靖南王耿繼茂奉 詔往征棲鳳駐南雄策應耿尙皆驕橫棲鳳多方調護民賴以安七年會師攻克韶州勦平雷州廉州諸賊寨八年僞國公曹志建犯韶州棲鳳擊卻之九年檄副將先啟玉陣擒叛鎮李成棟之子元允於欽州十年連破張獻忠遺黨李定國於肇慶龍頂岡遣將恢復羅定東安又檄副將陳武李之珍擒獲僞副將姚奇余元璣乘勝

抵化州吳川焚燬賊巢殲馘無算以功進兵部右侍郎李定國犯粵東兩廣總督李率泰禦之敗其將高文貴而靖南將軍朱瑪喇兵亦至大破定國於新會遂克高州雷州棲鳳參贊之功爲多十三年率泰調任浙閩棲鳳以巡撫超拜兵部尚書行兩廣總督事十五年授兩廣總督桂王竄雲南其僞將軍陳奇策結僞江夏王朱蘊鏞僞德陽王朱儼錦踞上思旁掠屬縣棲鳳檄總兵栗養志勦擒奇策蘊鏞儼錦又招降那綿諸寨於是太平思恩皆平十七年加太子少保十八年分設廣西廣東總督棲鳳改廣東尋致仕康熙三年卒於家 賜葬祭祀廣東名宦祠棲鳳秀才時已以天下爲已任及任封疆謀斷兼長其收復羅定東安也 世祖御書知方略三大字褒之又 御書兩河巨室表其閭爲所寵顧如此兄弟八人棲鳳姿容俊偉 國初召用前明大臣子弟棲鳳至京

甘肅新通志

卷六十五

人物志 鄉賢下

四十二

睿忠親王奇其貌呼之爲關王人以是稱棲鳳李關王官至漕運總督能於其職加太子太保棲鴻兵部武選司員外郎棲鷗江南總兵棲鸞密雲總兵棲鵬都司棲鳴廣東提督棲鸞泉州副將棲鳳子鎮鼎廣東提督以功加太子太保鎮邦鎮圻鎮域皆任副將鎮國雲南維摩州知州鎮坤廣西梧州同知鎮垓山東青州同知鎮基河南禹州知州皆以循良稱子孫先後任偏裨者又二十餘人衣冠之盛甲於河右而棲鳳及弟棲鳳子鎮鼎皆入祀鄉賢祠賈漢英 傳見前

孫文炳

傳見前

以上武威縣鄉賢

漢金日磾字翁叔休屠王太子休屠與霍去病戰多敗單于怒欲殺之遂與昆邪王謀降漢休屠王悔昆邪殺之帥其眾降漢日磾沒入黃門養馬牽馬過殿下容貌甚嚴時年十四身長八尺餘武帝

異而問之以本狀對即日拜爲馬監遷光祿大夫出入侍從未嘗有過甚信愛之其母闕氏教子有法度帝聞嘉之卒詔圖於甘泉宮日磾每見必拜涕泣日磾長子爲帝弄兒及壯戲宮人日磾見而殺之帝怒日磾對以殺故帝哀而心敬之莽何羅與江充善以戰衛太子功得封侯及充族誅何羅懼禍及已遂謀逆日磾覺其意防之上幸林光宮日磾小疾何羅夜出矯制殺侍者發兵明日袖白刃趨上臥內見日磾色變趨觸寶瑟僵日磾抱之投何羅殿下帝驚起擒縛何羅伏辜由是著忠孝節上病篤囑霍光輔少主光讓日磾日磾曰臣外國人且使單于輕漢遂爲副封柁侯

金 倫日磾弟醇厚有智仕爲侍中封侯

金 尙日磾長子嗣侯爵霍光妻以女霍有事萌芽即上書去妻後霍氏敗獨不坐

甘肅新通志

卷六十五

人物志 鄉賢下

四十四

金安上字子侯倫之子爲侍中篤慎有制宣帝愛之發楚王延壽反謀賜爵關內侯霍氏反門不納霍氏親屬封都城侯卒諡曰敬金 敞安上子元帝時爲中郎將侍中帝崩例當隨陵爲園郎太后以敞世忠孝留侍成帝敞正直敢犯左右憚之雖上亦難焉疾甚上使問所欲以弟岑託詔拜爲郎使主賓客

金 涉敞子明經節儉諸儒稱之歷官至長信少府

明文 樸字含錦鎮番人博學強記有幹才成化十一年倡開學之議越五載即領鄉薦鎮邑科目自樸啟之後人呼樸爲文宗官至山西浮山縣知縣

段 珽鎮番人琬之弟初食廩洮陽後撥歸本衛爲鎮邑首貢循循善誘與琬同琬卒與文樸李瀚等呈請開學鎮邑文風實首倡之後以明經選肅州衛訓導旋陞鄭州府教授

李 瀚鎮番人性英敏善屬文初補諸生成化十六年由明經選河南伊陽縣主簿嘗與文樸朱誠等首倡開學士林戴之子相舉人

彭 廉字小河鎮番人揮僉鉉之曾孫襲指揮僉事正德五年出征大沙河督軍柳條河擢指揮同知十年征黃明沙遷指揮使嘉靖十三年歷征八頭山柏楊溝舊方城打魚嶺斬首執馘屢有戰功洊陞靈州參將二十二年遷中軍都督府充總兵官鎮守山西兼提督代州三關挂征西將軍印推爲一代名將鎮邑武宦挂印廉爲始年老病免卒於家子汝言襲指揮同知歷征青山永昌乾海等處積功陞秩指揮使

孟一鯉字禹門鎮番人事繼母最孝萬曆己酉應試長安社友党完我卒於邸躬率弟一豸罄資助之俾還櫬故土崇禎四年當貢

甘肅新通志

卷六十五

人物志 鄉賢下

四十五

讓之同學王國彥士林欽之著書見藝文目錄以子良永貴贈戶兵二部主事後贈中憲大夫

王扶朱字翊宸鎮番人總兵國靖子世襲指揮辭不就崇禎丙子舉人十七年流賊陷長安扶朱慷慨倡義請兵當道事雖未成時論壯之 國朝定鼎扶朱隱退徵召絡繹稱疾不起疏辭再上乃允生平性高潔落落寡合於城南別墅築臺爲室不履城市者十有八年著書見藝文目錄子楫模皆由歲貢官訓導

孟良允一鯉子由舉人歷任州縣咸有循聲擢兵戶二部主事陞昌平道明莊烈帝殉國允與郭作梅等借槨於妃磨甗爲碣服齊衰葬之順治元年徵召敘用辭不就當道力疏薦之仍補昌平道陞河南按察使轉浙江布政司丁母艱屢徵疏請休致清風兩袖著書見藝文目錄

國朝何孔述鎮番人順治辛卯舉人穎悟非常日記數千言髫年食廩順治五年逆回帖清泰猖獗述與邑廩朱運開參將馬圮倡民兵勦滅回黨總督孟喬芳嘉其功檄署本營參將洺任數月兵民帖服述辭願以科名顯是年即拔貢辛卯捷至孟公笑曰何生果有大志真文武全材也年四十六卒

孫克明字鑑涵鎮番人康熙三十九年進士爲國朝河西甲第之首嘗徒步二千里越境訪師史流芳見而奇之授以關學編克明豁然解悟慨以聖賢自任鎮邑地多沙患康熙四十三年率邑民王眾等呈請於東邊外六壩湖移畝開墾貧民賴之後官湖廣通城縣知縣頌聲載道歷任無幾卒通人爲立遺愛碑

盧全昌字熙明鎮番人以子貴贈翰林院庶吉士篤學能文少失恃自憾不知醫以誤母病究心於素問金匱諸書事繼母至孝

### 甘肅新通志

#### 卷六十五

人物志 鄉賢下

四十六

義方最嚴子六四登科甲

以上鎮番縣鄉賢

明脫脫卜花 傳見前

毛忠 傳見前

郭琥永昌衛人負文武才嘉靖中征羌羊溝烏牛壩等地功最多擢姑臧守備自是戰無不克遞遷至古北口副將套虜入寇琥運奇設伏大破之尋鎮山右土官張同叛潛引虜酋圍省城琥單師出擊斬首千餘級奪芻糧馬牛無算力保孤城改大同鎮進左都督授光祿大夫封凡五代世襲都指揮使

楊時其先咸陽人來永爲指揮使遂家焉時熟悉邊情才長捍禦嘉靖中從征毛目所向克捷擢至延綏鎮遊擊督軍平花馬池寇乘間用奇斬首四百四十有九奉詔提督九邊及紫靖等關進都督府寵錫腰玉

胡岳 傳見蘭州鄉賢

胡執禮 傳見蘭州鄉賢

王瑾永昌衛人指揮使嘉靖中與吐番戰死之

馬應龍 傳見河州鄉賢

王心學號金斗永昌衛人天啟初舉於鄉勤於造士振拔單寒爲山左長清令治行卓異遷河南禹州牧土賊揭竿親督丁壯平之拜監察御史守正不阿卒於官贈按察副使著書見藝文目錄子薦我以恩廕仕四川順慶府同知

國朝王胤久永昌人有幹略順治初協贊戎機動中竅要及校功辟爲兵部武選司郎中三年膺上考適臨鞏總兵員缺 特旨命往恩威並用裁抑闕冗拔擢勤能以故得將士心湟中黑番寇青海督兵剿之先聲所至番悉遁去 以上永昌縣鄉賢

甘肅新通志

卷六十五

人物志 鄉賢下

四十七

明毛忠 傳見前

毛鎧 附見其祖忠傳中

國朝郭洪恩古浪人監生並子生員宗堯順治五年同謀剿回眾寡不敵被執不屈罵賊俱死

郭宗堯 見上其父傳中

趙璘古浪人雍正丙午舉於鄉官四川閬中縣知縣生平孝親友弟居官清廉

李天倫古浪人補用州同生平孝友性成敬老恤鄰重學親師爲一鄉之範

金瑛古浪人歲貢孝道克敦教授鄉里成就甚多恤災濟鄰人

咸德之 以上古浪縣鄉賢

國朝史麟書字奉春平番人嘉慶癸酉選拔由教諭升山東福山縣知

縣抵任次年夷船逼境麟書竭力防堵捐廉修城卒克保全福山  
建立生祠歸里後主講龍岡書院籌辦鄉會試川資鄉里稱之

賢 縣鄉

番平

甘州府

漢金日磾 傳見涼州府鄉賢

金安上 傳見涼州府鄉賢

吳 詠張掖人先本爲護羌校尉馬賢所辟後爲太尉龐參掾參與賢相誣罪應死而皆引詠爲證詠計理無兩直遂自刎參賢慚悔自相和釋晉永甯初護羌校尉涼州刺史張軌祭其墓而旌其子孫

晉呼延平張掖獄掾也獲死罪張掖太守慕容德貸之後德兄納罷廣武守來從德家張掖苻堅南征德從之去會堅敗而慕容垂起兵山東秦收納及德諸子皆斬之獨納母與妻得免平偕之逃羌中生慕容超年十歲納母卒平又以超母子奔涼州再奔長安輒轉歸燕卒嗣霸業超母命超娶平女以報之曰母子獲濟呼延氏

甘肅新通志

卷六十五

人物志 鄉賢下

四十九

之力也

隋趙 才字孝才張掖郡人少驍捷便弓馬仕隋屢以軍功遷上儀同三司大業末累官金紫光祿大夫右鎮衛大將軍帝將幸江都才諫甚切不聽帝幸丹陽才又力爭宇文化及弑帝矯詔執才久乃釋之才於化及坐勸同逆十八人酒曰十八人只可一處作不可餘處更爲化及嘿然旋以憂憤自殺

唐烏承玘字德潤張掖人開元中與族兄承恩俱任平虜先鋒沈勇而決號轅門二龍遇敵輒先同恩擊破契丹於捺祿山又戰於白城斬首萬計後說史思明斬承慶等降李光弼表爲冠軍將軍封昌化郡王右領軍使積粟厲兵出入耕戰久之移疾還京師卒年九十六贈尚書

烏重穎字保君河東將承玘子少爲潞牙將節度使盧從史奉詔

討王承宗陰連賊重穎即帳下縛從史叱曰天子有命從者賞違者斬上嘉其功擢河陽節度使封張掖郡公詔討淮蔡大小百餘戰事平遷檢校司空進邠國公建言河朔拒命者鎮將專兵故也遂以所領悉還刺史長慶末以司徒同中書門下平章事文宗初拜司空未幾卒年六十七贈太尉諡懿穆爲將善撫士卒待官屬有禮歿時二十餘人至刲股以祭

烏漢宏重穎子襲爵邠國公居母喪奪爲左領軍衛將軍固不拜帝嘉許之

元昂吉兒姓野蒲氏甘州路人世爲西夏將家父甘卜率所部歸元爲千戶父沒昂吉兒領父軍從征諸國有功又略地淮南世祖時累官行尙書省右丞時欲征日本上疏極諫不省旣而師果無功屢進直言帝雖怒甚其辭不少屈元貞元年卒

### 甘肅新通志

#### 卷六十五

人物志 鄉賢下

五十

明 傑甘州衛人都指揮劉廣子官涼州副總兵 傳闕

柳 湧甘州人都督僉事 傳闕

王 綱其先自山後閭陽世官甘州遂家焉綱授本衛指揮正德初虜犯甘峻堡與指揮祝泰王佐禦之虜北轉戰三晝夜至把雞兒境虜眾大集援兵不至泰佐戰死綱戰甚力殺賊甚眾矢盡力竭被執虜憤乃支解之

姚仲壽甘州衛人授左衛指揮嘉靖中檄守肅州清水堡兵不滿百虜入掠仲壽部勒追勦殺其酋怕卜等奪所掠駝馬牛羊以千計虜禿温中等糾其黨千餘騎合圍壽面頰中二矢頭著數刃憤罵不絕虜執折其股斫左右手指終不屈會礮石俱發虜驚置去傷重死事聞賜卹子潤襲廕

劉 寬甘州人刻意經史星厯醫卜之學尤所精邃嘗建議置高

臺所以阨虜衝卒從之從學者甚眾私諡心古先生著書見藝文

目錄

柳 棟湧之子甯夏參將 傳闕

吳 綸甘州人西甯守備 傳闕

吳 鸞甘州人歷官游擊 傳闕

毛 濬伏羌侯忠從子官蘭州守備 傳闕

姚 潤仲壽子陝西行都司掌印都司痛父磔於虜誓不共載天  
律已嚴潔任事忠誠

張 傑甘州衛人甯夏總兵善撫士卒拜哮之亂巡撫朱正色以  
傑素與哮善使往招諭傑仗義責哮爲所繫辱不爲屈哮且敗始  
縋出之以功名終

毛 銳甘州人毛忠孫也襲封伏羌伯諡武襄

甘肅新通志

卷六十五

人物志 鄉賢下

五十一

馬渥野甘州人篤志理學萬厯間從父官長子縣時焚香靜坐體  
驗周程語錄晨夕不懈者幾二十年著書見藝文目錄

王汝金甘州衛人將軍綱之裔孫也以世勳積功官甯夏總兵見  
國勢日危退居里門值賀賊圍城汝金倡義固守城陷自剄曰吾  
矢死報國賊焚其廬

羅一貫甘州衛人明季以參將守西平堡遼陽陷西平地最衝一  
貫悉力捍禦加副總兵旋以拒敵目中流矢不能戰火藥矢石並  
盡乃北面再拜曰臣力竭矣遂自刎死事聞贈都督同知廕副千  
戶賜祭葬

羅俊傑一貫子崇禎中仕至宣府總兵免歸流寇犯甘州眾議守  
禦俊傑慨然曰世受國恩當以死自効耳與段自宏分守西城捐

金饗士卒城陷與妻趙並縊

以上甘州府鄉賢

唐趙武孟張掖人少好遊獵以所獲饋母母泣曰汝不好書而放蕩  
吾安望哉不爲食武孟感激遂力學淹該書記自長安丞遷侍御  
史著書見藝文目錄

趙彥昭字奂然武孟子少豪邁風骨秀爽及進士第調爲南部尉  
與郭元振薛稷蕭至忠友善自新豐丞爲左臺監察御史景龍中  
累遷中書侍郎同中書門下平章事封耿國公

明陳 瑗甘州左衛人成化壬辰進士授戶部主事歷任江西左布  
政使所至有聲晉南京都察院左副都御史卒於官

何景暘甘州人恩貢四川彭縣教諭好學不倦河西壁經推景暘  
爲最年八十能作細楷百歲壽終

蘇 鏊字介石甘州左衛人由歲貢授四川保縣令以理學造士  
有孝弟廉讓詩諭從學者

甘肅新通志

卷六十五

人物志 鄉賢下

五十二

國朝葉有功張掖人甯夏總兵日芳父也性篤孝友于兄弟好施與鄉  
邦重之以曰芳貴 贈驃騎將軍康熙三十八年公舉入祠

王朝輔張掖人由行伍積功授固原提標中營參將陞石匣副將  
署天津鎮加總兵銜 賜花翎詩扇康熙四十八年病革 命太

醫診視卒奉 旨護送歸葬 諭祭文褒以性行純良才能稱職  
寵錫重廬庶沐匪懈之報名垂信史聿昭不朽之榮里黨俱豔稱  
之

魏 勳張掖人康熙中由行伍從振武將軍孫思克征噶爾丹奮  
勇立功戰績懋著歷升涼州總兵官 上御書隴西飛將四字賜

之 以上張掖  
縣鄉賢

明武 振字維揚山丹衛人多材藝善弓馬長於戎略當明中葉屢  
涉行陣授甘肅總兵尤善翰墨行役伊吾著有紀行錄山川道里

概可考見見藝文目錄

武希旦振子守備 傳闕

鄭 紀山丹人甘肅遊擊建敬一亭修忠義祠善政著聞

周 蕙字小泉山丹衛人後寄居秦州 傳見藝文

王允中字繼堯山丹衛人幼業儒補博士弟子員長習韜幹捷武  
舉積功任平羌將軍甘肅總兵都督同知邑人爲之建坊以頌  
王建侯允中子萬歷戊午舉人已未進士南京戶部主事後擢薊  
北參政道秉性正直不阿權貴時貂璫用事類多曳掣而建侯執  
憲夷險一節未始有所屈著書見藝文目錄

國朝周潤霖字伯恭山丹廩生性質直不苟笑學宗程朱課徒以躬行  
孝弟爲先冠昏喪祭恪遵家禮學者敬而畏之

以上山丹  
縣鄉賢

甘肅新通志

卷六十五

人物志 鄉賢下

五十三

肅州直隸州

漢蓋 勳 傳見安西州鄉賢

張 芝 傳見安西州鄉賢

侯 瑾 傳見安西州鄉賢

晉索 靖 傳見安西州鄉賢

汜 騰 傳見安西州鄉賢

索 襲 傳見安西州鄉賢

祈 嘉字孔賓酒泉人少清貧好學年二十餘西至敦煌依學官  
讀書家無衣食為諸生都養以自給遂博通經史精究大義西遊  
海渚教授門生百餘人張重華徵為儒林祭酒性和裕教授不倦  
受業弟子三千餘人

宋 織 傳見安西州鄉賢

甘肅新通志

卷六十五

人物志 鄉賢下

五十四

郭 瑀 傳見安西州鄉賢

北魏劉 炳 傳見安西州鄉賢

索 敞 傳見安西州鄉賢

張湛字子然酒泉人魏執金吾恭九世孫弱冠知名涼土好學能  
文有大志魏太武平涼州賜爵南浦男司徒崔浩重之曰敦煌張  
湛有大才見稱於西州湛至京師家貧不立而操尚無虧浩嘗給  
其衣食薦為中書侍郎湛知浩必敗固辭每贈浩詩頌多箴規之  
言

令狐整 傳見安西州鄉賢

令狐熙 傳見安西州鄉賢 以上肅州鄉賢

明劉 興洪武中由錦衣衛指揮同知移任肅州涖任廉平有冰檠  
聲正統十四年七月十五日追寇臨水陣亡

王憲明嘉靖三十三年歲貢 傳闕

國朝閣相師字渭陽高臺縣人由肅州鎮標行伍隨征哈密烏魯木齊吐魯番車庫阿克蘇葉爾羌等處大小數百戰屢建殊勳乾隆二十四年補授安西提督尋調甘肅提督孝思純篤幼時家赤貧負薪養親父早卒事母倍加孝謹既貴後念親不逮祿養對食泣下數十年如一日至性友愛在官所得廉俸與兄弟不問出入終身無閒言秉性直方言動不苟每見人有非禮之舉必善言啟悟受者每因以遷改持身廉儉衣履樸陋流風所被至今一鄉無奢華之習立義塾教族中子弟置義田供春秋祭埽厚濟族黨賑恤鄉鄰居鎮夷堡所屬民地約萬畝相師獨力捐金築壩濬渠至今百餘年里居數百家有水之利無水之患卒於任 贈太子太保諡桓肅子御璋由武舉除都司積功遷略陽游擊其廉正不阿有父

甘肅新通志

卷六十五

人物志 鄉賢下

五十五

風 以上高臺  
縣 鄉賢

安西直隸州

漢張奐字然明敦煌淵泉人父惇爲漢陽太守奐少遊三輔學歐陽尚書舉賢良對策第一拜議郎遷安定屬國都尉南匈奴合羌入寇奐擊降之郡界以甯羌豪帥感奐恩德上馬二十四匹先零酋長又遺金鑊八枚奐並受之而召主簿於諸羌前以酒酹地曰使馬如羊不以入廐使金如粟不以入懷悉以金馬還之羌性貪而貴吏清奐正身潔已威化大行遷使匈奴中郎將時休屠各及烏桓同反兵眾大恐奐坐帳中與弟子講誦自若乃潛誘烏桓使斬屠各渠帥襲破其眾諸胡悉降明年梁冀誅奐以故吏免官禁錮皇甫規上章薦舉復拜武威太守舉尤異遷度遼將軍數載閒幽并清靜徵拜大司農鮮卑聞奐去招結南匈奴等寇掠緣邊九部復拜奐護匈奴中郎將諸羌聞奐至悉降凡二十萬口又復擊破

甘肅新通志

卷六十五

人物志 鄉賢下

五十六

先零諸羌論功當封奐不事宦官賞遂不行惟賜錢二十萬除家一人爲郎並辭不受而願徙屬宏農華陰舊制邊人不得內移惟奐因功特聽竇武陳蕃謀誅宦官事泄中常侍曹節等矯制使奐圍武武自殺蕃見害後知爲節所賣加封不受明年青蛇見於帝座大風雨雹拔木奐上書言竇武陳蕃志甯社稷方直不回以讒受誅災異之來蓋爲此也天子深納其言左右皆惡之下詔切責遂陷以黨罪禁錮歸田里閉門不出卒年七十八武威多爲立祠所著銘頌書教誡述志對策表章二十四篇

張芝字伯英奐子少持高節勤學爲儒宗太尉辟公車徵皆不就號張有道尤好草書學崔杜之法爲世所寶韋章謂之草聖弟昶字文舒亦善草書

曹全字景完敦煌效穀人相國參之後建甯二年舉孝廉除郎

中遷右扶風槐里令全幼好學甄極愷緯無文不綜賢孝之性根生於心收養季祖母供事繼母先意承志存亡之敬禮無遺闕遭同產弟憂棄官光和六年復舉孝廉拜郃陽令存慰高年撫育鰥寡以家錢糴米粟賜瘡盲大女桃斐等合七首藥神明膏與有疾者咸瘳百姓襁負及者如雲戢治牆屋市肆列陳風雨時節歲獲豐年縣前遭白茆谷水災興造城郭開南寺門承望華嶽鄉明而治廣聽事官舍廷曹廊閣費不出民役不干時常爲治中別駕紀綱萬里朱紫不謬出典諸郡彈枉糾邪貪暴洗心同僚服德一時惠政之流浹人肌膚門下掾王敞等刊石紀功

蓋 勳字元固敦煌廣至人舉孝廉爲漢陽長史時武威太守恣行貪橫從事蘇正和案治其罪涼州刺史梁鵠欲殺正和訪之於勳勳素與正和有隙或勸因此報隙勳曰不可謀事殺良非忠也

甘肅新通志

卷六十五

人物志 鄉賢下

五十七

乘人之危非仁也乃諫鵠正和得免詣勳謝勳不見曰吾爲梁使君謀非爲蘇正和謀也怨之如初叛羌圍護羌校尉夏育勳與州郡合兵救育爲羌所破士卒多死勳被三創堅不動羌滇吾素爲勳所厚乃以兵扞眾曰蓋長史賢人汝曹殺之爲負天勳罵曰促來殺我滇吾下馬與勳勳不肯上爲賊所執羌人服其義勇不敢加害遂還漢陽後刺史楊雍表勳領漢陽太守時大饑人相食勳調穀賑之活者千餘人徵拜討虜校尉典禁兵謀誅嬖倖未及發而司隸校尉舉勳爲京兆尹嚴懲贓罪威震京師勳雖在外每軍國密事帝常手詔問之及董卓擅權公卿莫不卑下惟勳長揖爭禮然厭於卓不得意卒遺令勿受卓賻贈

侯 瑾字子瑜敦煌人少孤貧依宗人居性篤學恆傭作爲資暮還輒然柴讀書居恆以禮自牧獨處一室如對嚴師州郡累召公

車以有道徵並辭疾不就作矯世論以譏刺當時隱居山中殫思著述作應賓難以自寄又按漢記撰中興以後行事爲皇德傳三十篇行於世西河人重其才品不敢名稱爲侯君云

魏張 恭敦煌人爲郡功曹素有學行郡人推行長史事恩信甚著時酒泉張華張掖張進各據郡恭遣從弟華攻酒泉沙頭乾濟二縣又遣鐵騎二百出張掖北河逢迎太守尹奉於是張進張華遂詣金城太守蘇則降黃初二年下詔褒揚賜爵關內侯拜西域戊己校尉數歲徵還授以侍臣之位恭至敦煌固辭疾篤太和中卒贈執金吾後子就爲金城太守父子著於西州

晉張 敷字祖文就之子宏毅有幹武帝時爲廣漢太守王濬在益州受中制募兵討吳無虎符敷收濬從事列上由此召敷還帝責敷何不密啟而便收從事敷曰蜀漢絕遠劉備嘗用之輒收臣猶

甘肅新通志

卷六十五

人物志 鄉賢下

五十八

以爲輕帝善之官至中郎將子固字元安有敷風爲黃門郎周生烈敦煌徵士裴松之注姓周名烈何晏論語集解有烈義例餘所著述見晉武帝中經簿

段 灼字休然敦煌人世爲西土著姓果直有才辯少仕州郡稍遷鎮西司馬從鄧艾破蜀有功封關內侯武帝即位灼上書追理艾事帝嘉其意前後陳事輒見省覽擢爲明威將軍魏興太守索靖字幼安敦煌人少有逸羣之量與鄉人范衷張彪索紞索求俱詣太學馳名海內號稱敦煌五龍四人並早亡惟靖該博經史兼通內緯州辟別駕郡舉賢良方正對策高第拜駙馬都尉出爲西域戊己校尉張勃表靖才藝絕人宜在臺閣武帝納之擢爲尚書郎與尚書令衛瓘俱以善草書知名拜酒泉太守惠帝時賜爵關內侯靖有先識知天下將亂指洛陽宮門銅駝歎曰會見汝在

荊棘中耳太安末卒贈司空諡曰莊著書見藝文目錄靖有五子鮮綬璆聿琳皆舉秀才聿安昌鄉侯

索 琳字巨秀靖少子少有逸羣之量靖每曰琳廊廟之才非簡札之用州郡吏不足污吾兒也舉秀才除郎中屢立戰功除安西將軍馮翊太守琳有威恩華夷嚮服賊不敢犯及懷帝蒙塵長安又陷琳糾合義旅大小百戰頻破賊黨復定宗廟尊立愍帝遷尙書左僕射

汜 騰字無忌敦煌人惠帝時舉孝廉爲郎中屬天下兵亂去官還家太守張閼造之閉門不見饋遺無所受散家財五十萬以施宗族閉門灌園琴書自適張軌徵爲府司馬騰曰門一杜其可開乎固辭病卒

索 襲字偉祖敦煌人虛靜好學不應州郡之命舉孝廉賢良方

甘肅新通志

卷六十五

人物志 鄉賢下

五十九

正皆以疾辭游思陰陽之術著天文地理十餘篇多所啟發不與當世交通張茂時敦煌太守陰澹奇而造焉經日忘返出而歎曰索先生碩德名儒真可以諮大義澹欲行鄉飲之禮請襲爲三老郭 瑀字元瑜敦煌人少有操行東遊張掖師事郭荷盡傳其業精通經義雅辨談論多才藝善屬文荷卒瑀服斬衰廬墓三年禮畢隱於臨松薤谷鑿石窟而居服柏實以輕身弟子千餘人著書

見藝文目錄

宋 矩字處規敦煌人慷慨有志節張重華據涼州以矩爲宛邱都尉石季龍遣將麻秋攻大夏護軍梁式執太守宋晏以城應秋遣晏以書致矩矩既至謂秋日辭父事君當立功與義苟功義不立當守名節矩終不肯背主覆宗偷生於世先殺妻子自刎而死秋曰義士也命葬之重華嘉其誠節贈振威將軍

車 濟字萬度敦煌人果毅有大量張重華以爲金城令爲石季龍將麻秋所陷濟不爲屈秋必欲降之臨之以兵辭色不撓曰吾雖才非龐德而受任同之身可殺志不可移乃伏劍而死秋歎其忠節以禮葬之後重華迎致其喪親臨慟哭贈宜禾都尉

宋 織字令艾敦煌人少有遠操沈靜不與世交隱居於酒泉南山明究經緯弟子受業者三千餘人不應州郡辟命惟與陰融齊好友善張祚時太守楊宣畫其像於閣上出入視之酒泉太守馬岌造焉拒而不見岌銘詩於石壁曰丹崖百丈青壁萬尋奇木菴蔚鬱若鄧林其人如玉惟國之琛室邇人遠實勞我心織注論語及爲詩頌萬言年八十卒諡曰元虛先生

南北朝劉 昞字延明敦煌人父實以儒學稱昞年十四就博士郭瑀學妻以女後隱居酒泉不應州郡命弟子受業者五百餘人李

### 甘肅新通志

### 卷六十五

人物志 鄉賢下

六十

暲徵爲儒林祭酒從事中郎遷撫夷護軍雖有政務手不釋卷世祖平涼州夙聞其名拜樂平王從事中郎尚書李冲奏昞河右碩儒除其一子爲郢州雲陽令太保崔光奏復其孫等三家河西人以爲榮著書見藝文目錄

索 敞字巨振敦煌人爲劉昞助教專心經籍盡傳昞業涼州平入魏以儒學爲中書博士京師貴游之子皆敬憚威嚴多所成益敞以喪服散於眾篇學者難通因撰爲喪服要記後出補扶風太守在位清貧卒贈涼州刺史諡曰獻

宋 繇字休業敦煌人少以孝聞長博通經史事涼武昭王厯位通顯家無餘財雖兵革閒絃誦不輟後入魏拜河西王右丞相賜爵清水公

宋游道繇曾孫弱冠隨父任父亡吏人贈遺一無所受事母以孝

聞後魏時爲殿中侍御史臺中語曰見惡能討宋游道孝莊即位除左兵中軍後入北齊爲尚書左丞

闕 駟字元陰敦煌人博通經傳聰敏過人三史羣言經目輒誦時人謂之宿讀註王郎易傳撰十三州志沮渠蒙遜世重之常侍左右訪以政治損益拜祕書考課郎中典校經籍刊定諸子三千餘卷牧犍重之拜大行遷尚書及姑臧平樂定王還鎮涼州引爲從事中郎丕薨後遷京師家甚貧敝衣不免飢寒

張 湛 傳見肅州鄉賢

范 紹字姑孫敦煌人少聰敏年十二父命就學師事崔光以父憂廢業母誡之曰汝父卒日令遠就崔光希有成立今已過暮宜遵成命紹遂赴學太和初充太學生頗涉經史孝文選爲門下通事令史遷錄事掌奏文案帝善之歷位并州刺史太常卿

甘肅新通志

卷六十五

人物志 鄉賢下

六十一

宋顯字仲華敦煌人性果毅有幹用初事爾朱榮稍遷爲記室參軍後歸齊神武爲行臺左丞拜西兗州刺史遇事勇決有氣幹及河陰之戰深入沒於行陣贈爵司空公

令狐整字延保敦煌人幼聰敏深沈有識量學藝騎射並爲河右所推刺史魏東陽王元榮辟爲主簿加邊寇將軍進趨詳雅對揚辯暢謁見之際州府傾目河右擾亂榮仗整防扞州境獲甯張保據河西殺刺史成慶晉昌人呂興等復害郡守郭肆以郡應保整先定晉昌斬呂興進軍擊保平之以狀聞遂立爲瓜州義首整以國難未甯常願舉宗効力遂率鄉親二千餘人入朝隨軍征討整善於撫馭躬同豐約是以士眾並忘羈旅咸盡其力用累遷驃騎大將軍加侍中朝議令整權鎮豐州整廣布威恩傾身撫接數月之間化洽州府除豐州刺史及秩滿代至吏民戀之老幼送整遠

近畢集數日停留方得出界拜御正中大夫整雅識情僞尤明政術恭謹廉勤常懼盈滿故厯居內外所在見稱進位大將軍宇文護執政整早識其必敗不爲用卒免於難卒諡曰襄子熙令狐休敦煌人整弟也幼聰敏有文武才與兄整同起兵逐張保授帥都督後爲敦煌郡守在郡十餘年甚有政績

隋令狐熙字長熙整子性嚴重有雅量雖在私室終日儼然不妄通賓客凡所結交皆一時名士博覽羣書尤明三禮善騎射爲下官都上士母憂去官殆不勝哀其父戒之稍加饘粥服闋除駕部復丁父憂非杖不起人聞其哭聲莫不下淚及武帝平齊以留守功進位儀同隋高祖受禪進爵河南郡公討土谷渾以功進上開府拜滄州刺史風教大洽開皇四年上幸洛陽熙來朝及還百姓出境迎謁歡聲盈路在州有瑞麥甘露八年徙爲河北道行臺度支

## 甘肅新通志

### 卷六十五

人物志 鄉賢下

六十一

尚書兼吏部尚書號爲明幹上甚任之汴州殷盛多有姦俠以熙爲刺史下車禁游食抑工商星居者勒爲聚落僑人逐令歸本決遣滯獄令行禁止上聞而嘉之其年來朝考績爲天下之最以嶺南夷數起亂徵拜桂州十七州總管諸軍事封武康郡公熙至部大宏恩信溪洞渠帥相率歸附爲建城邑開設學校邊邑感化薛世雄字世英本河東汾陰人其先寓居敦煌世雄兒童時與羣輩戲輒畫地爲城郭令諸兒爲攻守勢不從令者輒撻之諸兒畏憚莫不齊整其父見而奇之謂人曰此兒當興吾家年十七從周武帝平齊以功拜帥都督隋開皇中數有戰功累遷車騎將軍煬帝即位爲右監門郎進位通議大夫世雄性廉慎凡行軍破敵之處秋毫無犯帝嘉之超拜右翊衛將軍歲餘爲玉門道行軍大將從帝征遼遷左禦衛大將軍仍領涿郡留守卒子四人並以驍勇

知名

唐薛萬均敦煌人世雄子與弟萬徹事唐授上柱國永安郡公破竇建德平梁師都從李靖討吐谷渾勇蓋三軍遷本衛大將軍又副侯君集討高昌降麴智盛皆有功進路國公

薛萬徹與兄萬均歸高祖授車騎將軍武安縣公從李靖討突厥頡利副李勣擊薛延陀以功遷代州都督右武衛大將軍太宗嘗曰當今名將惟李勣江夏王道宗薛萬徹而已

王君奭字威明瓜州常樂人爲河西節度使開元十四年吐蕃寇甘州焚掠而歸君奭勒兵躡其後至青海大破之獲其羊馬輜重萬計而還以功遷大將軍

五代李 珽河西敦煌人唐末舉進士爲監察御史丁內憂貧無以葬乞食而後葬飢臥廬中聞者哀憐之趙匡凝鎮襄陽辟掌書記

甘肅新通志

卷六十五

人物志 鄉賢下

六十二

梁太祖破匡凝得珽喜曰此真書記也除知制誥辭不受出知曹州曹州素劇難理珽至以治聞遷兵部郎中崇正院直學士許州馮行襲有牙兵二千故蔡卒太祖懼爲變行襲嚴酷欲誅從事魏峻遣珽代行襲爲留後乃理峻冤立出之太祖喜曰珽果辦吾事會歲歉盜劫汴宋間曹州尤甚太祖復遣珽治之珽至索賊得大校張彥珂珽甥李郊等及牙兵百餘人悉誅之召拜左諫議大夫右散騎常侍

李 琪字臺秀河西敦煌人少舉進士博學宏辭仕梁爲翰林學士梁兵征伐四方所下書詔皆琪所爲下筆輒得太祖意梁亡仕唐爲御史中丞累官至尚書右僕射琪爲人重然諾喜稱人善少以文章知名亦以此自負以太子少保致仕卒

元奧 林西域人端靖寡言好讀書能文章至正間知奉化州下車

除去冗胥濫卒疏理冤滯註誤四野絕巡捕跡時歲饑餓莩載塗  
林請官廩以濟事有利害輒白府興革民獲安於艱難之時

以上  
安西

州鄉賢敦  
煌玉門同

